



水
蠶
觴

館
文
集

楚
淫

光緒十

六年冬

長洲黃

氏流芳

閣聚珍

板校印

文集序

海內談者相與揚榷百六十年來人文蔚起獨士能爲古文者加少以是舛憾于學者余竊不然易堂甬東桐城諸家各持其古文以行天下雖學或有至有不至其傳固縣延而未已也惟排偶之文則幾于曠絕又匪啻百年矣蓋南宋後陳義愈高講于文者愈略坐令漢魏風流一墜不可復自近二三十年老生巾箱中物稍益不靈其爲說益不足以困魁岸之士于是湛博絕塵之才稍稍閒出余少歲亦嘗攘臂其閒蹉跎中墜去而從業旣默默內自慚愧私以望諸同人妄謂斯文無墜必

文集序

有英絕領袖之者何其宜見而久弗見耶鎮洋彭子湘涵方今魁岸之士而湛博絕麗之才之一也爲善有暇篤耨文業其爲文專力排偶夫文何有奇偶哉九州四隩見于書斷壺叔苴詠于詩其文奇歟偶歟莫得而離判之也班揚極其盛于漢韓柳起其衰于唐其文奇勝歟偶勝歟莫得而輕重左右之也蓋奇偶之用不齊而一眞孤露吹萬畢發氤氳于意象之先消息于單微之際上者載道下者載心其要固一術爾湘涵少長邊塞多接通流精求緣起熟析利病有山川以助其奇有風雲花鳥以壯其思又不幸久困有羈愁騷屑摧撞拂鬱

以激宕其中之所存繇是侷辭異采匪意橫發長篇短章隨變雜施持原以往扶氣以立陽開陰闔神出鬼沒而一皆以自載其心湘涵不自知其文之爲偶爲奇讀者亦且忘乎其爲排偶之文焉余胥疏江海所默默悵望于海內同人者遇湘涵而快然一慰又憮然深惜其能歎其猶未焯然見褒錄于當時也雖然湘涵年未四十鏗而勿舍計必且恢之彌廣異日推其所潤身者以華于國何遽不鼓鐘一世將余所謂英絕領袖曠百年幾幸見之者亦在湘涵所自命何如而已會其所刊小謨觴館文集告成過辱不遺謂序斯集非余莫宜燒燭

文集序

至前十日長洲王芭孫序

小謨觴館文目

卷一 五臺山賦 雁門關賦 并敘

托邏臺吊楊太

尉賦 并敘 鶻箭賦 苦寒賦 廣問大鈞賦 并敘

江上愁心賦 并敘 鐙舞賦

卷二 經歧臆案序 讀史偶鈔序 選注引書目錄

序 經蕙山房唱和詩序 畢季瑜詩集序 陳謫人

詩序 元南林詞序 徐企范詞序 雅樂精義後序

送尤祖望學博膺薦入都序 張子白進士入都謁

選送行詩序 錢可廬徵君六十壽序 江甯金石志

序 代 贈汪孟慈序 周易疏義序 淮海神弦曲序

文目

送樂元淑歸臨川序

卷三 答汾陽李洪九進士書 再答李洪九書 答

郭祥伯書 與李石帆書 答徐企范書 與李刺史

書 與甯榕塢書 與吳韻皋書 與沈文起書 與

姚春木書

卷四 天池記 泛潁記 題襟館記 甯化定河村

臺駘廟碑 明故特進光祿大夫柱國太子太保鎮守

山西提督雁門等關總兵官左都督周忠武公夫人劉

氏廟碑 安徽廬州府巢縣何烈氏碑銘 陳采谷墓

碣 檄城隍神驅貓鬼文 祭風伯文 告楚元王廟

文 甯徵君誄 翰林院待詔徐君妻吳安人誄 祭

陳生采谷文 祭裴母查太宜人文代 葉竹孫印譜

題詞 飲和軒讀書詩跋 潘榕皋虞山秋眺詩卷跋

花兜紀遇詞跋 陶鳧鄉四影詞跋 黃孝子贊并

敘 曾母羅太淑人七十壽辭并敘 吳中畫舫錄小

引 臥看滄江亭記 文學金君誄 國子監生陳生

妻周氏誄 朱博論 劉晏論 徵刻地理書鈔啟

徵刻宋人詞學四書啟 重修太倉州學禮器募疏

趙味辛六十畫象跋 先府君事略

文續目

文目

卷一 香墅漫鈔序 留春草堂圖序 湘頌樓詞序

邗上雲萍集序 七家詞序 求心錄序 樂潛堂

詩集序 江行唱和圖序 荆石山房文序 郭母迓

太孺人八十壽序 重刊懸山大師法語序 江甯寓

館與樂元淑書 荅姚春木書 與李散牧書 與曾

方伯書一 與曾方伯書二 與劉芙初書 復屠琴

鳴書 與胡中丞書 重建桴亭記 儀徵屠大令典

紡織記 華年四影圖記 登華圖記 豸華堂記

三十六陂春水圖記 懷知圖記

卷二 李忠毅公誄 四川布政使姚公誄 陸母林

太孺人誄 文學姚君妻何氏誄 節孝張孺人誄

蔣竹雅妻陳氏誄 汪孝婦哀詞 丁奕堅哀詞 洪

北江先生畫贊 并敘 黃忠節公書贊 并敘 鮑貞女

壙銘 文林郎署蒙自縣知縣尤君墓表 署京口營

副將京口左營游擊吳公墓誌銘 國子監生吳君墓

誌銘 亡妻蕙君蔣氏埋銘 河南懷慶府黃沁通判

畢君墓表 祭亡妹文 袁卿遺草跋 孫古雲四十

初度序

右小謨觴館文正續集六卷都一百一十二篇甘亭先

生所著文導思清妍體物瀏亮曩大梅山人傳其鴻芒

文目

壯采具中郎之骨兼開府之腴卓哉斯言亮無愧色余

最愛其柔情芳緒紛紜相引比輓卷施如驂之靳讀集

中北江先生畫贊有云梁摧奄及曾不憚遺私淑大恠

昭然若揭顧隸事繆博末學憾焉嚮有箋注爲臨平孫

氏纂輯別本單行不麗于集長洲黃氏臧有活字發大

願心重付排印每篇結尾繫以注語程功旣數旬余一

言因取錄其日用識緣起光緒庚寅長至後五日歸安

朱鏡清

小謨觴館文集注卷一

錢唐孫元培
長熙纂輯

五臺山賦

佇中區以遐矚睇孱顏而聊浪海浮鼇而棲聖嶽作鎮
而奠方誇五城於鴻烈紀三百於蒙莊二韭石室四明
玉堂九嶼九曲七榻七箱是皆振靈鷲出鴟陽集松偃
韜琳琅紛總總以轆轤羌難得而具詳曾何若蘊眞萃
異迓

屬車而演大乘若代北之清涼原夫五臺之爲山也左
鄰恆嶽右接天池逾三萬仞而標峻廓五百里以爲基

注一

雁門構鼻而承踵飛狐崱峴以分支蓋雲中上黨固天
下之脊而茲山之隆嶮崔嵬乃更什伯而過之是以孕
煙霧障娥羲橫朔漠藩屏甸畿雖禹貢職方莫之載
而實首富媪以稱奇在漢明代有竺法蘭飛錫震旦以
慧眼觀謂文殊之眷屬祝三乘於茲山於是精藍建紺
塋構供鐵輪規靈鷲侶集黃緇房開靑豆封紉竿而雪
肥耿佛幢而鍾瘦鐸鳴風而鳥驚鉢洗潭而龍守合八
部於人天悉五峰之宿留其東臺則池俯滹沱峰聯插
箭華林櫛爽以捎雲溫泉泌御而曳練妙吉祥所徵集
陀羅延所游衍盼溟渤於滄瀛渺洪波之如綫忽明霞

之盪胸晃朝陽而閃電其西臺則厓峙薩埵巖幽秘魔
竹古滴翠石怪成螺一優曇鉢遺其跡八功德水激其
波眺斜月之在樹挂圓鏡之新磨林壑特秀厥惟南臺
嶽巖倚傾勢若覆盃香閣金燦神鐙夜來爛八臂之寶
相涌一成之聖堆雜花芬以彌布伊錦繡之誰裁北臺
峇崑云協斗杓黑龍潛而闕雨紫霞深而斷囂截半麓
以爲界乃羣靈之所朝氣鬣鬣而足不能上兮神閃屍
疑可招風雲雷霆皆出其下兮夫何論乎野衲與山樵
至若中臺勝境稱最仙餌菊而徑香獅踏花而林鬪玉
池妍媸而敷華髮搶晃朗而吐怪結萬載之寒冰當九

注一

二

夏而不壞環空青之四圍拱一峰而如帶此其表大工
之五智合性源之五陰清五濁之災世運五乘之道林
是以首冠五方之髻頂建五佛之簪旃檀上浮歌利下
臨勢郁細氳雲氣如輪莊嚴七寶中遊化人耀紅炬於
陰壑吐黃光而燭垠證祇洹顯應眞師利演說阿育化
身甯止如陶侃之所夢與裴休之所陳載稽前史崇建
紛然魏文則十二置院開皇則三僧設筵鑄金容於貞
觀之代錫玉劄於景德之年於以祈嘉祉申祝延厯元
明而弗替永法炬之綿綿迨乎我

國家之奄有天下也天岱發靈宗河啟籙緬風山之訪

道繼崑峰之刻玉

列聖相承勾陳載鳳上爲

慈宮祀釐下爲蒼生錫福山旋妙相之螺輦繞銜花之
鹿虎一矢而無聲鴿翻飛而下矚固已揚金叟與玉瓊
遍臺峰與苑鶴今

皇上紹天闡繹冠德卓蹤月窟日域來享來同乃戒甘
泉之鹵簿復

徼巡乎五峰斯時也鈴珥番徒婆羅法侶雕題冒衫之
偷木壘花門之旅榆櫺函開羊皮紙古鐘魚唱而海潮
翻笳螺鳴而佛香聚羣華旗以鬣雲霏招搖之花雨

注一

三

天子方且皇然以思泊然以處覘唐魏之儉風撫華戎
之卽敘閔雪窖與冰天莫咨寒而怨暑是以

宸章擣藻念典學也毗曇心印示先覺也福田彌善宏
普樂也殊俗咸臻懷沙漠也是蓋建中和勤遠略迓純
禧顯於鑠豈徒洗秋眼於神區契心倪於道籥追弇山
之樹槐效岱宗之薦帛而已哉風舉雲搖儀川藻野

六飛還兮香煙留初地寂兮嵐靄惹聳五朶之蓮花燦
大千之蘭若歷萬古兮長青共祥雲而上下

淮南子墜形訓禹乃

以息上填洪水以爲名山山擗崑崙墟以下地中有增城九重高誘注增重也有五城十二樓莊子天下篇名山三百支川三千宋書謝靈運傳山居賦遠東則天台桐柏方石太平二韭四明五嶽三菁唐書薛頤傳

陞固巧爲道士帝爲樂觀九峻山林曰紫府 宋史辛棄疾傳常同朱熹遊武夷山賦九曲糴歌 西陽雜俎

積厓山高三百由旬有七楊七箱 抱朴子博喻篇靈鷲振翅元圃之降以遠羣羅之患 淮南子汎論訓山

出巢陽水生罔象人怪之聞見鮮而識物淺也 雁門飛狐雲水上黨俱見詩注凡已見前詩注者不贅後放

此 山西通志五臺山環五百餘里上有五降山頂如壘土像臺文殊師利現光地元和志道經名紫府山內

典名清涼山 清涼山志漢明帝時摩騰竺法蘭始至此土以天眼觀卽知此山乃文殊住處 華嚴經東北

方有處名清涼山從昔已來諸菩薩於中止住現有菩薩名文殊師利與其眷屬諸菩薩眾一萬人俱常在其

中而演說法 梁簡文與知澹法師書辨論青豆之房遣惑赤華之舍 翻譯名義文殊師利此云妙德西域

記云曼殊室利唐言妙吉祥 清涼山志東臺高三十里那羅延窟臺東畔盛夏有冰燈光時見東臺見滄

瀛諸州名望海峰臺西四十五里祝嚴巖木父和尚所居西有薩埵崖西臺高三十五里月墜峰巔儼若懸鏡因

名挂月峰臺東北有文殊洗鉢池入功德水南臺高三十七里頂若覆盂雜花彌布名錦繡峰臺東插箭嶺宋

注一

太宗北征至此見菩薩現入臂相插箭而還有龍宮聖

雄龍母化去龍池卽湧爲堆半臺高四十里上薄斗杓

因名叶斗峰風雨雷電惟出半麓蓋龍帝之宮也中臺

高三十九里東有梵仙山五百仙人餌菊于此西南獅子窩昔人見萬獅游戲其中東南玉花池昔五百梵僧

於此休夏池生白蓮堅瑩如玉文殊髮塔在大塔東昔菩薩化賁女遺髮藏此明方廣道人修塔見髮色若金

又五臺列爲五者觀國師云表大士五智已圓五眼已淨總五部之眞祕洞五陰之性源故首建五佛之冠頂

綰五方之髻運五乘之要清五濁之災福德三昧經咸就十力那羅延身那一作陀 魏書趙柔傳隴西王源

賀採佛經幽旨作祇洹精舍圖偈六卷柔爲之注解 翻譯名義阿羅漢法華疏云阿毘經云應眞 清涼山

志晉陶侃嘗夢五臺僧從乞食及爲廣州刺史海濱漁人每夕見光燄騰起侃遣人掘之金像湧于波面梵書

阿育王所造文殊像又唐相國裴休謂河東節度使李說曰子持熱惱心入清涼界猶披麻度火欲其不燒其可得乎又後魏孝文帝再建大孚靈鷲寺環寺復置十

二院隋開皇元年下詔五頂各建寺一所度僧三人唐太宗貞觀二年下詔五臺山等名山大剎修齋七日代

宗廣德元年造鍍金文殊像真宗景德四年敕五臺山
真容院建重閣供奉文殊聖像自太宗至仁宗所頒宸
章玉劄凡三百八十軸 宋書禮志邊帛絕書燿光馳

燭天岱發靈宗河開寶 晉書地理志邊帛絕書燿光馳

南江登空躡岱至于崑崙振轡風山訪道 班固西域

賦周以鈞陳之位衛以嚴更之署李善注樂汁圖曰鈞

陳後宮也服虔甘泉賦注曰紫宮外營鈞陳星也然王

者亦法之 五臺縣志射虎川縣東一百三十里康熙

二十二年 聖祖仁皇帝至此有虎伏林莽間親

挽繁弱一發殪之遂 賜名射虎川 後漢書馬

融傳廣成頌揚金麥而地玉瓊注麥馬冠瓊馬帶 清

涼山志有蜂臺鶴苑 班固典引厥有氏號滔天闡釋

者莫不開元於太昊皇初之首上哉覓乎其書猶可得

而修也若夫上稽乾則降承龍翼而炳諸典謨以冠德

卓躐者莫崇乎陶唐 三輔黃圖祀天于甘泉有其儀

注名曰甘泉鹵簿 隋書赤土傳居僧祇城有門三重

每門圖畫飛仙菩薩之象門懸金花鈴珥 逸周書王

會解正西崑崙狗國鬼親杙已鬪耳貫胸雕題離邱漆

齒 後漢書章帝紀冒彤之類注彤多鬚貌言鬚鬢多

蒙冒其面或曰西域人多著冒而長故舉以爲言也

注一

五

水經注漢明帝夢見大人金色於是發使天竺寫致金

像始以榆櫨盛經白馬負圖表之中夏 梁書滑國傳

與旁國通則使旁國胡爲胡書羊皮爲紙 穆天子傳

天子遂振升於弇山乃紀丁跡于弇山而樹之槐眉曰

西王母之山注弇山曰入處也按丁跡一本作名跡

班固西都賦遂風舉雲搖浮遊普覽 顏延之三月三

日曲水詩序靚妝

藻野祓服縟川

雁門關賦并序

雁門關在代州西北三十里雁門山上雙闕斗絕一名西陘子自少歲遊晉道出此關俯仰今昔輒形歌詠意有未盡復授筆而賦之辭曰

凜凜洞歲曉曉塞垣黃蘆匝地層冰射天斜日奄忽薄於虞淵一徑入雲有關屹焉爾其俯淖沱通廣運隔六角障全晉圭峰夏屋承其趾龍河豹突流其潤望虎落之周遭壓龍堆而稱峻屢巖壁立闔闔洞開焮火星燦堞齒鱗排風緊馬縮天空雁來飛棲蟲其縹緲凍旌紛以毳毼西顧了角偏頭東睇紫荆倒馬山川鬱而相繚

注一

一

泉石渥兮成赭渺幾代之烽燧判何年之夷夏緬漢唐之糾紛獨蒼然而涕灑想夫奉春旣逝韓王殞身谷蠡方伉孤塗弗賓元光之代發卒萬人修土櫓以遏衝儲蘭石而拒塵終何險之能塞徒膏野而化燐况乃大黃不發太白當中將軍失李賢守悲馮戍已屯撤東西尉空凡夫五原吏卒三河美手荆楚劍士蕃漢虀僮莫不櫻白刃冒霜鋒飲羽有技橫草無功壯士骨白佳人淚紅嗟此嶮嶮而摧確幾經猿鶴與沙蟲若其就葦庭辭蘭苑驅玉輪張油幟明妃去番翁主嫁遠走踟躕之明馳感芳華之婉婉覩此天蒼野茫露宿星飯角起哀來

雲黃春斷能無琵琶不和襜褕失暖長吁白登之臺彈
淚紫濛之館更有雄主阿麼奇兒黑鴉千乘萬騎獻猊
射犯銀槍駐隊玉帳開牙刀奪霜皎風吹帽斜此皆蓋
世之傑如博得梟力闢土宇威懾天驕奈何長星易隕
霸業煙消離宮敬兮蔓草白影堂寂兮靈風飄惟雙闥
之如斗猶亭亭而岿岿於是棄繻隗人麗眉書客駐鞭
於句注之巔探符於常山之脊嘆射虎之無人笑食雁
之奚益聊煩寃而攄懷弔什一於千百關石兮峩峩關
榆兮宵蘿迴颺颯兮生粟戍卒暇兮枕戈據鞍攬轡爲
雁塞之歌歌曰紫厓高兮九邊伊阻遭時清兮一夫何
禦折邊花兮醉邊醕吟勅勒兮悵無侶獨絞汨而徊徨
兮感英雄與兒女

按古雁門關唐時所築在雁門縣西北五十里今關

爲明初所移非古雁門關也人多傳會附識於此

自記

向秀思舊賦于時日薄虞淵寒水淒然 越語廣運百
里注東西爲廣南北爲漚 山西通志圭峰山代州東
南五十里下豐上銳夏屋山代州東北三十里九龍河
州西北三十五里南流入滹沱 史記劉敬往結和親約
劉氏號爲奉春君高帝罷平城歸使劉敬往結和親約
韓王谷蠡孤塗並見詩注不更出下故此 漢書龜

錯傳具蘭石布渠蒼注如淳曰蘭石城上雷石也 漢

書元帝紀發戍已校尉屯田吏士攻郅支單于注師古
曰戍已校尉鎮安西域無常治處亦猶甲乙等各爲方
位而戍已四季寄王故以名官也 漢書地理志五原

郡秦九原郡武帝元朔二年更名 漢書高帝紀收三

河土注韋昭曰河南河東河內也 漢書李陵傳臣所

將屯邊者皆荆楚勇士奇材劍客也力扼虎射命中願
得自當一隊 高適贈李苾征蠻歸朝詩野食兼田鼠
哺餐並焚燼 漢書終軍傳軍無橫草之功注草橫于
野謂戰也 漢書匈奴傳於是高祖患之迺使劉敬奉
宗室女翁主爲單于關氏注諸王女曰翁主者言其父
自主婚 古樂府折楊柳歌辭健兒須快馬快馬須健
兒蹴踏黃塵下然後別雄雌 楊慎丹鉛錄宋人送使
遠詩用紫濛方虛谷注謂契丹館名此地名非館也晉
書慕容廆載記邑于紫蒙之野可證 史記趙世家簡
子告諸子曰吾藏寶符於常山上先得者賞諸子馳求
無所得無恤還曰已得符矣從常山上臨代代可取也
後漢書王符傳度遼將軍皇甫規解官歸安定鄉人
有以貨得雁門太守者亦去職還家書刺謁規時不
迎旣入而問卿前在郡食雁美乎 馬融長笛賦云皎
槩汨滄五音代轉李善注云絞槩汨滄音相切磨說言
聲相絞槩如水之聲汨滄水流貌絞汨二字當本此

注一

三

托邏臺弔楊太尉賦并序

甯武關東陽方口西高山有臺名托邏一曰橐蓮相傳
爲宋王侁望楊業軍處間嘗驅車過此按諸圖經揆以
當日情勢雖未見其必然要爲近是予悲業以智勇捍
邊之才爲庸帥所制一誤於潘美之沮議再誤於王侁
之撤兵卒致王師敗衄身殉敵國當時名將如曹成王
者尙不能與契丹角而邊患益滋燕雲永棄浸成孱國
自此始矣業之死實有宋全局所關爰作賦以弔之蓋
不僅爲太原降將表其區區忠烈也辭曰

注一

帳兮何有於三交駐泊之旌旗昔在天水之初葉兮合
南北皮室而內窺震應旣復而旋失兮又歧溝之喪師
惟君侯素號無敵兮殲咄李如摧枯敵望影而引退兮
獨持重乎老謀謂宜先出乎雲州之眾兮我以騎攻其
中堅謂兵盛而勿與爭兮爲三州保其萬全詎護軍之
沮議兮轉相譏以畏鹵鑿凶門以促行兮動北川之鉦
鼓知犯忌之罔濟兮奈奸邪之手侮猶懊咿而望生兮
指陳家谷以張弩羌重慳以馳繆兮欲爭功而望之誤
戰敗以爲勝兮緣交河而速馳迨君侯之至斯兮谷口
呀以無人遂拊膺而大痛兮殘卒疲而再振張空卷以

反鬪兮日慘慘其西下深林密以馬蹶兮望袍影而發
射竟宛轉而就窩兮空嗒嗒而叱咤占三日之不食兮
問盡忠其誰駕嗟有宋非無人兮顧邊才之難再彼曹
田潘王之夔喏兮何遇梟羅而輒敗時得將如公輩兮
足籌邊而敵愾卽不能犁庭而封狼居胥兮亦何至澶
淵之後悔固知奇材之必遭嫉兮不見謗書之潛上何
偏裨之能從死兮獨庸帥之不諒猗開基之英主兮尙
長城之自喪彼蕞善而害能兮夫何惑乎中興之諸將
徒悼惓以感予兮陟崇岡而涕潛旣悲夫猿臂之不封
兮又惜乎都尉之沒番與君侯茫茫其同恨兮雁山淒

其暮煙賦之以代薤露之歌與符鳩之曲兮流哀音於

九邊

宋史楊業傳太原人事劉崇爲義子太宗聞其名及繼元降卽令招之以爲防禦使太平興國五年

出雁門北破契丹兵十萬號楊無敵契丹望業旌旗卽引去雍熙二年副潘美北征拔雲應朔寰四州時契丹

國母蕭氏領衆十餘萬寰州復陷業謂美不可與爭姑密諭雲朔等將先出衆我師次應州賊必來拒俾朔州

吏民直入石碣谷列強弩於谷口以騎士援于中路則三州之衆萬全矣蔚州刺史王侁沮其議業泣謂美曰

業太原一降將天子不殺而授以兵嗣非縱虜不擊欲圖報萬一也諸君責業以避敵當卽死矣因指陳家谷

曰公於此張強弩以援失援則無遺類也美與侁陳於谷口自寅至巳旣使人登托羅臺望見虜敗欲爭其功

卽引兵離谷行二十里聞業敗却正業力戰至暮望谷口無人拊膺大慟手刃數十百人重傷爲虜所獲不食

三日死太宗痛惜之贈太尉大同軍節度使 業隆禮契丹國志統和四年蕭太后與大臣耶律漢甯南北皮

室五神惕隱領衆十餘萬復取寰州擒宋楊業 史記信陵君傳公子曰晉鄙嘖嘖宿將注嘖嘖謂多詞句

續資治通鑑綱目雍熙二年副將王侁擊李繼遷走之
三年以曹彬田重進潘美等將兵伐契丹與耶律休哥
戰于岐溝敗績 漢書匈奴傳封狼居胥山
禱于姑衍呂臨瀚海固已犁其庭掃其閭

注一

三

飽箭賦

柳外場圓幕南地空城曦欲斜戍角初動令方秋而氣
激弓折膠而澗重颯霜颯之載颯浮朔雲之低擁爾其
材翦楛楚羽量審搏三鑱鏃郃六角工剗做鶉鶻之嘉
製等彤旅之美觀雖芒頓而質脆亦外雕而體完作貢
嬀州齊倫夏服宛庾公之去金異耿恭之傳毒弦鳴冒
頓之庭的畫道成之腹於是上郡材官期門韋弁野無
控鏑之驚軍息汰輶之戰高牙乍閒芳酒欲薦埒直堂
寬身輕藝練發疾音高抨辱韻顛各望審而心平要巧
貴而力賤中宮中商或疾或徐怒偶號竅樂眞出虛類

注一

一

風蕭之感召分天籟之于喁書桴停而歌作留遺響於
烏鳥則有都軍馬邑飛將龍城居安慮危夔喟屏營薄
陵巖之一吶究實效於五兵願勵矜而淬鏑長樹侯而
設正羌枵中而乏用亦何取乎虛聲

漢書匈奴傳是後匈奴遠遁而幕南

無王庭

庚信華林園馬射賦朔雲五色的暈重圍

吳淑事類賦注引開元文字曰三鑱謂今箭射箭也鏃

稜也又魏百官名曰三公拜曰賜錫尾鶉尾鶉箭十二
枝唐書地理志嬀州嬀川郡土貢鞞皮胡鞞甲榆鶻
矢司馬相如子虛賦左烏號之雕弓右夏服之勁箭

後漢書耿恭傳以毒藥傳矢語匈奴曰漢家箭神中

創者必有異虜中矢者祝劍皆涕遂大驚

漢書匈奴傳冒頓乃作鳴鏑注應劭曰鏃箭也南史齊高帝紀

蒼梧王嘗率人直入鎮軍府帝書卧裸袒蒼梧立帝于
室內畫腹爲射的將射之帝曰老臣無罪王天恩諫曰
領軍腹大是佳射棚一箭便死後無復射不如以電箭
射之乃取電箭一發卽中帝躋蒼梧投弓大笑

汰輶

見左宣四年傳 莊子齊物論夫大塊噫氣其名爲風
是唯無作作則萬竅怒呿又齊物論前者唱于而隨者
唱喁郭象注夫聲之宮商雖千變萬化唱和大小莫不
稱其所受而各當其分 荀子如風過蕭忽然已按又
作蕭文子自然篇若風之過蕭忽然而感之各以清濁
應又埤雅蕭可以祭故其字從蕭亦秋風之過蕭意象
蕭然 莊子則陽篇
吹劒首者映而已矣

注一

二

苦寒賦

圍落馭辰頊冥殿歲霏虛虹藏暄序電逝值枚生之在
楚喻列子之嫁衛仰胚渾之曾穹俛芒旣之綿地臺聞
罕漫慘廩悽慄躍靈韜輝屏翳弭節風弮環而颺帷霏
揣封而殺物潛鱗改其蝨輪翔羽戢其聾聒惻愾愀愴
經窳鬱律葉燮燮而奪林氣謙謙以砭骨山含瘁色川
涸靈源吟階潛蛭繞樹驚猿蓬孤或振沙走難搏月小
逾苦霜嚴不繁軫寥沈之凋歲感駢征之未還則有冽
冽辰水滔滔武溪精夫睢刺映徒侏僂連營鳥避積甲
山齊箐密林邃星積鏃飛盤瓠之首雖馘新息之師尚
羈若險旌凍牙高鼓希鳶無毒而亦墮馬長征而不肥
殺電隄陘荆沔上游烝徒則棘道巴道天險則雍州益
州肆吮磨於貂貽逞肩髀於蚩尤援桴者九節度攤鐸
者四姓侯蕭摩訶之擲銳毛萇樂之撻矛拉掉摧藏颯
紛攙拊烽燧瀕洞宙合塹贖戈淬鏑而指僵甲裂裳而
膚粟幼平之四體刻剗充國之全屯戰瘵蹶突將於青
羌盼哀歌於黃竹嚮之大隄歌舞武陵川原白鹽赤甲
清灞藍田歇銅鞮而無曲踈桃徑以奚仙竭嘉魚於丙
穴暗鳴雉於秦川悽嶮冥而鬱岬猊恹悒以煩冤別有
鯤壑翻鯨牙厲乘崩雲鼓飛柁天霄忽幽陰火失熾懼

邀路之盧循恫衝波之孫泰紛馬銜與海童渺戈船兮
下瀨聞颶母而神悚禱陽侯而心戒至若瓠子隄潰宣
房跡淪萬手奮鍤千石芟薪冰岸削鐵漸凌蹙銀魚頭
戢戢鵠面莘莘螭局蝟縮蠖屈鱗斂尺涕垂鼻寸禪掩
身爨冷突而無火泣荒榛而有人疇弗撫徂年而悼悵
擎清涕於蕭晨迴眺閨紆懷故家罄陳平之糠粃蔽
仲蔚之蓬麻剩腰襪而妻瘦索複襦而弟譁苦等倉雀
號同樹鴉紅灰枕炭青逼鈺花愀自濟以乏術嗤康衢
之願奢萬緒曾悲百緣赴感徊徂齋閤斥廢鉛槧顏瘠
瘠而變腴視矍矍而辭覽籠爐暖不能蘇久侵之肌穢

注一

二

酒醞不能融已銷之膽詩嘆其雋文占習坎漢揚雲之
牢愁楚屈平之顛領烏虜常貞者七曜代更者四時候
無剝而不復事無陂而不夷矧泰階之如砥屬烏奕之
昌期會吹律於黍谷迓羣生以春祺系曰二儀幹運若
鼓棹兮拏斂棹通迭相乘兮杓迴斗旋德喜贏兮晦時
闇味耀光明兮嘔咐醞釀慶莢生兮負暄飲和夫何慮

營兮

淮南子天文訓道始于虛霏虛霏生宇宙 列子

天瑞篇子列子居鄭圃四十年人無知者國不足
將嫁於衛張湛注自家而出謂之嫁 郭璞江賦類胥
渾之未處 左思吳都賦芒芒駝駝注駝駝不明貌

揚雄劇秦美新混混芒芒之時齊聞罕漫而不昭察
曹植與友質書囉靈急節李善注囉靈日也 楚詞天

問屏號起兩王逸注屏屏翳雨師名 揚雄甘泉賦帷
珊張其拂汨兮善注珊張風吹帷帳之聲 馬融長笛

廣問大鈞賦并序

唐劉夢得領郡不調孤居慮靜有感於老則易至否不終傾上問大鈞述而爲賦予幼稟庭誥忝竊浮譽漸冉濩落志業弗進今年三十有七室不謀饕餮名不登舉選流轉顛躓與書傭游惰爲伍疾疹侵陵精爽日去思涸廢并智惛挈臆豈阨塞之遭并神明亦靳而不與乎煩冤紆鬱其視夢得蓋又倍蓰過之仰觀元化不能無疑呵壁有辭悉之於夢聊爲廣問大鈞賦倣其體不襲其辭以自廣焉

注一

一

物兮疇相因盈常羊蹏通兮大鈞所根是佐帝而持樞兮佩琳綺之尊神陶埏密移羸歛莫測太清不言工則或識賤臣有疑惟工解惑曰噫吁嘻郁乎蕃哉喙息蠢動蒙生其間微塵一蠖或跖而安或夷而跕或董而袞或尉而潛反仄相仍錯迕孰制上規千齡下察並世纖兒猥徒丹紆紫曳以蒙相儕肯靡臺隸小夫黯伯持梁暨脆以蒙擬之瓢覆簞敝坎塲無膏或貽聰明踔厲奮發以蘄德成不角而翼神怡體輕何又斬之錮智矧精晷姑委靡善病若醒忒忒天漢疇則徑濟膊膊下土孰則高厲思窮宙而達幽兮懼司命之莫矚羌天網之絃

覆兮穆黃靈而是筮於是炁焉魂交霄兮形開恍有化
工翩然下來赫眎揚休顧而哈曰何下土之昧於幾也
橐籥司柄吾處其一世艾主宰爲汝略悉乘流得坻雖
曰命定孰堪孰否亦視其性棟樑力致蠹沒心競渾元
鑒誠精至斯應賦形汝同方足圓顛孟晉逮羣所性獨
殊眾輻所輳歧情慵趨世態所豔孤懷弗愉非狷非狂
似文似儒於事則廢於途爲迂進退兩失被嗤大愚汝
自不驚何咎於吾越裝千金侏儒囊粟曳裾大第抵掌
華屋求知掃門買聲持牘贖徧八口仁及三族是皆脂
韋不辭趨起沾竿餘瀝冀光宵燭汝又弗爲色赧容蹙

注一

二

周行易遂汝故曲之生事萬端汝故鞠之徒色瘠而思
綿兮守刑編與鬻簡眈眈瞞而踈幾兮宜曜晦而光剗
且夫不齊者運至變者機彼孟陬之深帷兮遜隴廉之
自媒憲修潔而屢匱兮桑心計而豐蕢蘭數漑而不茂
兮艾無霖而亦滋介烏飢而塌翼兮林鴟飽而翔嬉爰
居何福鐘鼓雄尊羊豕何辜鼎俎炮燔何樂而保何美
而髡朝菌何怨冥靈何恩回適轆轤曷可殫論苟尺度
而寸絜將疲神而役魂吾哀汝窮用黜汝聰精膽汝鏤
痲店汝攻手足情竄膚色昏膏雖無醴酌而醉比於醇
醲雖在盛年而耄竝於龍鍾是蓋俾汝壹菟枯混榮辱祛

躁妄安恬漠忘熱烈與卑碎任騰超與拓落平客氣之
債與消亢衷之歎薄解嘲奚煩於子雲嫉邪免賦於元
叔昏昏墨墨冥冥蹊蹊隨世俛仰與化推遷其遇誠蹇
其天則全錫汝孔厚夫何疾疾之爲患焉工語未終悚
然意下惑渙矇發曲跽而謝幸三靈之無譴悟六極之
匪咎俟河清以祗憂從元謀而自守雲霞燦而可被兮
沆瀣清而易茹毋泆浥以改初兮長遺形而寡侶修心
齋兮規坐忘次將迎兮蠲旅拒始自今茲終極倚杵世
有蒙生永事斯語後漢書張衡傳思元賦踰龐頤于石
冥兮貫倒景而高麗按頤文選作鴻
莊子在宥篇無爲而尊者天道也管子宙合篇天
清陽無計量慎于相因而爲氣相盈而爲益淮南

注一

子天文訓東南爲常羊之雜西北爲曉通之雜張衡
思元賦尉龐眉而郎潛兮逮三葉而遵武董弱冠而司
命兮設王隧而弗處又思元賦死生錯其不齊兮雖可
相訓思元賦黃靈詹而訪命兮穆天道其焉如舊注
黃靈黃帝也膠求也張衡西京賦赫昈昈以宏敞
賈誼鵬鳥賦乘流則逝兮得坻則止王延壽王孫賦
扶窈窕以櫛擗按字彙櫛擗經營馳逐也一作陳椽史
記貨殖傳揚平揚陳椽其間爾雅釋詁郭璞注靈沒
猶甕也班固幽通賦孟晉以迨羣兮注曹大家曰
孟甕也晉進也孔穎達毛詩正義序然焯炷並聰穎
特達文而又儒張衡東京賦狹狹三王之趣起薛綜注
趣達局小貌劉峻廣絕文論冀宵燭之末光邀潤屋
之微澤分雁鶩之稻梁絕玉罕之餘漑王延壽王孫
賦旣蹶蹶而蹶斐注皆言形狀乖劣也楚詞嚴忌哀
時命璋珪雜于甗窞兮隴廉與孟轍同宮王逸注隴廉
醜婦孟轍好女班固東都賦悚然意下張衡思元
賦迴志竭來從元謀按謀後漢書作謀廣雅泆浥垢
濁也莊子人間世惟道集虛虛者心齋也莊子應
帝王至人用心若鏡不將不迎困學紀聞河圖挺佐

輔曰百世之後地高天
下千歲之後天可倚杵

注

一

四

江上愁心賦并序

江上愁心唐人賦之予自毀齒迄乎壯強南北塗經奚
啻百度言愁始欲愁矣孤舟燒燭遂成此段體雜辭尤
有識勿哂賦曰

揚子江頭揚子津無賴楊花愁煞人千年江水只東去
四月江南猶好春年年歲歲江如故歲歲年年雙楫渡
人歌人哭水聲中不覺不知元髮素江草兮低迷江煙
兮懽悽或江槳之齊發或江颿之迅飛或涉江而綬綰
或連江而資齋如室有闕如戶有扉旅出旅入旋卽旋
離閔予生之尠恃具勞人之百憂嘆非宦而非賈乃風

注一

愁而水愁綿歲歷辰白髻迄壯揚舲坐欵擊楫孤唱俳
侗江岸之旁躑躅江樓之上耿瓜步之鐙明咽南徐之
笳愴如雲蓬蓬乍西乍東如九張機往來憧憧非麾扇
之吳猛非橫江之阿童非宣城之賦練非馬當之助風
地迴天長蹤孤野曠彙古悲於寸眸入新愁於遐望高
山低山近渚遙渚蕭蕭叢蘆隱隱孤嶼丹黃兮平林青
蒼兮極浦悵亭亭兮夕陽忽濛濛兮細雨白馬銀濤裏
長檣鐵鹿間吳歛不入耳權謳難解顏朝色悞墨暮思
緜學擬伏枕而無寐復伸眉而倚舷眠鷗嬉汀浴鷺依
藻亦有安居樂羣馴擾豈其吾生不如江鳥唼波灑潯

作隊蝮蝮自得其天悠然此身豈其吾生不如江鱗愁

心欲遣愁轉賒一天暝色催歸鴉傾江作酒不成醉落

月搖情江樹斜

晉書吳猛傳因還豫章江波甚急猛不假舟楫以白羽扇畫水而渡

晉書羊

祜傳吳有童謠曰阿童復阿童銜刀浮渡江不畏岸上獸但畏水中龍會益州刺史王濬小字阿童因表留濬

監益州

軍事

注

二

鐙舞賦

跋烏晡輝顧兔生魄廣場面花妍曩當夕憐素習之仙
伶訝全新之晚飾南油西漆桂馥蘇煎長稱鳳脰短號
螭盤覆金枝而吐秀藏鐵缺而浮燿千影萬影風裳水
裳棚高焰舉釧動衣香儻彈曰而齊俯或扶輪而上揚
反腰蜿蟺聯臂揮霍珠樹梭穿紅蓮綺錯豹屠芬淳蛾
飄花落泊微颺之弗颺爛繁星以四灼荆苑纓絕齊臺
髻醉閒愁欲萌餘歡將墜感瑣院之炬移渺曲江之毳
會無華夢以眩眩中宵而典喟若夫羈孤袂連江湖
侶嘯厓篝狐之伏鳴軫澤鴈之哀噉瓜廬之曲突誰黔

注一

一

續女之鄰光不耀各當筵而翳歛願分輝以下照庭樂
息奏牆雞發聲依依綺座黯黯朱榮還紅薔之館寂倚
冰除而氣清香羅九華撤屏風六曲橫惟餘短檠在應
知楚客情韓鄂歲華紀麗注梁簡文帝看燈賦南油俱
滿西漆爭然 葛洪西京雜記咸陽宮有青
玉五枝燈高七尺五寸作蟠螭以口銜燈 馮贄雲仙
雜記洛陽人家上元以影多者爲上其相勝之詞曰千
影萬影 唐書令狐綯傳夜對禁中燭盡帝以乘輿金
蓮華炬送還 王保定據言諸先輩月燈閣打毬之會
同年悉集蘇軾詩曲江船舫月燈毬是爲舞
殯而歌墓 庾信燈賦輝輝朱燼焰焰紅榮

小謨觴館文集注卷二

錢唐孫元培纂輯
長熙

經歧臆案序

古之學者三年一藝但以存大體玩經文而已自金鏡
亡於暴秦珠囊理於炎漢百家鋒起支葉繁滋一經之
義言至百萬一師之門人或數千遂有折角摧鋒操矛
伐異魏晉以降詮釋益多男子有笄劉芳騁華林之辯
慈母無服貞素覈內則之文發難正譌羅絡旁午簡策
所載毛舉莫勝王仲寶答陸澄書云易體微遠實貫羣
籍施孟異聞周韓殊旨豈可專據小王便爲該備善哉

注二

一

言乎餘經可類推矣今世儒業約分兩途浮學守株祧
唐宗宋上昧賈馬鄭王之是非下襲濂洛關閩之糟粕
蒙存淺約陋說膠其心詁訓傳箋大師絕其系及第取
於帖經而專門之業遂廢此有唐歸崇效所以嘆也其
有饜書嗜古習性文身棗竹背傳說有鑒於安度讓師
立異解致戒於賈邊直欲父康成兄子慎甯道孔聖誤
諱言鄭服非是又元行冲所詆也反是二者以作調人
博存眾家實事求是自我心極爲之主宰難乎哉昔在
弱年婁經研索包并總統不拘滯於隅角搜揚翦截各
參伍其端倪或辨析幾微或詳考名物數說彂列不免

乖疑間以臆推決其得失單詞隻句既遜延君之說書
小辯瑣言復慙叔重之異義中箱扇鏞久付哀蟬衣食
驅遣十更涼燠驕雌多暇輒復緝帶譬之竹馬鳩車不
能無戀惜已聊錄副墨以實行滕顓家見之必當大噓
要以踵蔣氏蠡測陳氏稽疑步趨後塵或未多讓每條
冠以某案猶仍東京許氏例也 漢書藝文志古之學者
耕且養三年而迺一藝
存其大體玩經文而已是故用日少而畜德多三十而
五經立也 孔穎達周易正義序及秦亡金鏡未墜斯
文漢理珠囊重興儒雅 漢書儒林傳贊自武帝立五
經博士詒于元始百有餘年傳業者浸盛一經說至百
餘萬言大師衆至千餘人蓋祿利之路然也 後漢書
鄭康成傳時任城何休好公羊學遂著公羊墨守左氏
膏肓穀梁廢疾康成乃發墨守鍼膏肓起廢疾休見而
歎曰康成入吾室操吾牙以伐我乎 魏書劉芳傳高

注一

二

祖宴羣臣於華林王肅云古者惟婦人有笄男子則無
芳曰禮內則稱子事父母雜初鳴籥繩籥以茲而言
男子有笄明矣 南史司馬筠傳字貞素安成國太妃
陳氏薨安成王秀始與王儻並以慈母表解職詔不許
而太妃在都喪祭無主帝由是敕禮官議皇子慈母之
服筠議引內則擇於諸母與可者云云 舊唐書歸崇
敬傳自艱難以來取人頗易考試不求其文義及第先
取于帖經遂使專門業廢請益無從 魏書常爽傳六
經者先王遺烈安可不心遊寓日習性文身哉 洪邁
容齋三筆熙甯初吳安度試舍人院已入等有可以安
度緣竹詩背王芻古說而直以爲竹斥不取乎又記仁
宗時賈邊試當仁不避於師論以師爲衆謂其背先儒
訓釋特黜之 唐書元行沖傳王邵曰魏晉浮華古道
湮替歷載三百上大夫恥爲章句唯草野生專經自許
不能博究擇從其善徒頽父康成兄子慎甯道孔聖詁
諱言鄭服非 韓休蘇頌文集序自我心極爲之主宰
柳宗元崇豐二陵集禮後序包并總統千載之盈縮
羅路旁午百氏之異同搜揚勦截而畢得其中顧問關
決而不悖于事 桓譚新論秦延君能說堯典篇目兩
字之說至十餘萬言但說曰若稽古三萬言 隋書經

籍志五經異義十卷後漢太尉祭酒許慎撰 唐書馬
懷素傳時文籍盈漫皆矣朽蟬斷 莊子天道篇孔子
繙十一經注繙帛亂取之也 朱彝尊經義考明蔣
氏佛生五經彙測六卷陳氏耀文經典稽疑二卷

注一

三



讀史偶鈔序

今將由叔末以遡循蜚摺殘竹以求提地鉅神千五百歲皇王六十四民庸成冊府之所藏戎夫左氏之所紀雀籙蘿圖渺不可見矣乃若古籍求諸帝魁寶書得於子夏九月經立三傳文垂久已列諸學官揭若日月至於勒成一書分爲五體龍門而下較並列眉綴學之士善文之徒莫不泛涉津涯兼綜得失然班馬殊體貴審其異同晁彪合刊易滄其志傳裴注以補而彌博晉贊以駢而可刪迨乎宋齊中多闕佚姚氏一家之作亂例者兩朝元魏百卷之書不完者廿九百藥遺策補綴所

注二

一

餘德棊殘編斷爛尤甚延壽綜述四朝而南不逮北李唐新舊一體而昫終勝祁五代必歐薛同參三史惟遼金差善凡諸綿裘匪易盧牟鉛槧所及去取攸繫子以弱齡仰稟庭訓研經之餘篋記前典愧陸倕之夙慧暗誦五行慕知幾之析疑通覽羣史於是剔毛攬翮窮西極辰露鈔雪纂紙約需乎八千月緯年經藁不盈乎兩屋或考訛糾繆旁采劉邠吳縝之言或互證參稽間附貞觀咸淳之注略紫陽所已載補涑水所未詳體例各準乎原書繁簡一定以已意蚤謀止於善草蠹策擷其朝華縮千帙於一囊臂肘可繫棗長編於小牘巾箱易

藏味有等於嘗鼃謂無嫌於斷鶴於以稽鏡前哲網羅
舊聞三千年之事巨細略可睹焉淮南有云心所悅毀
舟爲枕心所欲毀鐘爲鐸竊取斯義以備遺忘藏山傳
人兩無所冀蓋不欲與揚侃之博聞沈樞之總類較短

長字句問也

後漢書黨錮傳叔未澆訛注叔末季世也
陳桎通鑑綱目前編外紀循蜚紀其時

德厚信刃人循其化速若蜚也按此本羅泌路史路史
本緯書司馬貞補史記三皇本紀作脩飛劉恕通鑑外
紀作循飛 鮑照河清頌窺刑崩石拊逸殘竹 羅泌
路史九頭紀子莘注雜書云人皇出于提地之國兄弟
別長九州 路史拒神氏出于長淮駕六蜚羊政三百
歲五葉千五百歲 賈公彥周禮正義序燧皇伏羲既
有官則其間九皇六十四民有官明矣 路史庸成氏
冊府所在庸成是立云容成者非也 竹書紀年穆王
二十四年王命左史戎夫作記 孔穎達尚書序疏鄭
作書論依尚書緯云孔子求書得黃帝元孫帝魁之書

注一

二

迄於秦穆公凡三千二百四十篇斷遠取近定可以爲
世法者百二十篇 四庫目錄班馬異同三十五卷宋
倪思撰 直齋書錄解題後漢志三十卷晉司馬彪撰
梁劉昭注補范書未嘗有志借舊志注以補之後紀傳
孤行而志不顯至乾興初判國子監孫奭始建議校勘
而不著其爲彪書也今考章懷注所引稱續漢志者文
與今志同信其爲彪書不疑 劉知幾史通正史篇宋
文帝以國志載事傷于簡略乃命中書郎裴松之兼採

衆書補注其闕由是世言三國志者以裴注爲本焉

舊唐書房元齡傳受詔重撰晉書史官多文詠之士好
採詭謬碎事以廣異聞又所評論說爲綺豔不求篤實
由是頗爲學者所譏 唐書姚思廉傳陳吏部尚書察
之子察嘗修梁陳二史未就思廉表父遺言有詔聽續
書錄解題後魏書一百三十卷魏收撰今紀關二卷

傳關二十二卷又三卷又三卷不全志關天象二卷 魏公武

讀書志唐李百藥北齊書殘缺不完 四庫提要令狐

德棻等撰周書殘缺甚多今本取北史以補亡又多所

竄亂 唐書李延壽傳追終先志作北史南史凡八代

其書頗有條理刪落釀辭過本書遠甚 曾公亮進新

唐書表其事則增於前其文則省於舊按劉安世元城

語錄謂事增文省正新書之失 馬端臨文獻通考唐

書二百卷五代晉宰相涿郡劉昫等撰 宋史薛居正

傳受詔監修五代史 淮南子要略篇原道者虛卒六

合混沌萬象 唐書劉知幾傳年十二父勳器爲授古

文尙書業不進及聞爲諸兄講春秋左氏冒往聽退輒

辨析所疑踰年遂通覽羣史 抱朴子君道篇剔腹背

無益之毛攬六翮凌虛之用 黃潛題李氏白石山房

詩露鈔雪纂久愈富何啻鄴侯三萬軸 北史崔暹傳

長謙名愨崔夔子爲青州司馬賊圍城二百日長謙讀

書不廢凡手鈔八千餘紙 李燾巽巖集稱張新甫見

洛陽有資治通鑑草稿盈兩屋按李燾集今佚此据文

獻通考馬廷鸞之言 宋史藝文志劉敞漢書刊誤四

卷 王明清揮麈錄嘉祐中宋景文歐陽文忠重修唐

書時吳縝願預官屬之未文忠以年少輕佻拒之縝志

甚迫新書成乃指摘瑕疵爲糾繆一書 四庫提要貞

觀政要十卷唐吳兢撰成清遺事二卷不著撰人名氏

原本久佚今從永樂大典錄出 劉峻荅劉之遴借類

苑書蛩蚤之謀止于善草周周之計利在銜翼 淮南

子說林訓心所悅毀舟爲林心所欲毀鐘爲鐸高誘注

秋舟尾 書錄解題兩漢博聞三十卷無名氏或云楊

注一

三

倪 宋史藝文志沈
樞通鑑總類二十卷

沈 宋史藝文志沈樞通鑑總類二十卷

選注引書目錄序

總集有選肇始昭明唐初江都李氏善與許淹公孫羅
並承曹憲爲文選學轉相教授而李注獨行方雅清勁
舊書品其飭躬敷析淵洽新書稱其撰述有初注覆注
三注四注羅羣玉之總總該百氏之云云非祇騁博爲
藝林山淵兼擅析疑資通儒考鏡若桓譚譚拾之殊張
釋釋卿之誤厭次無縣漢志偶疎思晦非騫梁典或謬
牛子爲從而譌後鴻飛伺篡而舛慕策郤不可爲營郤
史岑不得頌和熹骨母爲胥溢溢作衍九遷以一月爲
一日永始以四年爲三年葛天之歌張揖錯其文秣味

注一

之曲左思復其字守闕乃廣漢而非延壽黜殞屬史魚
而非柳莊丁亥丁未辨日辰之差中郎侍郎證官制之
異是皆稽覈豪芒釵規紕繆略舉數端要可隅反苟非
精博絕出何以臻此顯慶三年始進定本開元六載益
以五臣呂延濟輩禱味寡學迴非善倫李匡乂資暇錄
辨寒鼈與芳蓮邱光庭兼明書訂雲窠與藻椀蘇氏志
林啻三殤之妄解洪氏隨筆斥宗袞之誣說其所抨擊
炳炳矣竊謂善注定宜專行其所徵引秘牒填委唐書
藝文志遺佚已多馬氏經藉考十裁一二單辭有同於
玉屑隻字不殊於金版宋深甯叟閱覽博物卓躒古今

然九星三略之說夏屋仁里之訓翠粲官錦之文蹈躋
巢許之辨率皆鉤剔疑互藉爲資糧非徒物析天雞精
擅試土地詳茂苑博誇吳宰而已予自童少迄於壯齒
徧歷寒燠銳心研摩涯涘莫窮津逮無盡嘗欲取注中
羣籍已未佚者分部列之挈祕典之綱維便汲古之檢
閱人事錯迳忽忽未暇近閱武林汪師韓文選理學權
輿中列目錄二卷計經類自傳訓以至小學緯侯圖讖
凡二百十六種史類自正史以至別傳譜牒地理術藝
凡三百九十五種子類自諸子以至兵書道經釋論凡
一百六十九種集類四十八種詩一百五十四家賦二

注一

二

百八家頌箴銘贊六十八家碑三十三家誄哀辭連珠
五十家詔表牋啟三十八家書八十九家弔祭文六家
序及雜文一百六家舊注二十九家其卽入選之文互
引者不與焉種別部分秩如瞭如學者按古籍稽舊聞
寸簡在手按圖可索是亦眾絲之繫篋散錢之貫繩也
近刻有孫志祖案語中有未盡覆加訂正手錄一冊弄
之中籍或補或糾分繫於下汪書自有單行此本取便
尋討蓋倣七略之義條其眾篇校四庫之目斯爲獨古

云桓譚譚拾見廣絕交論注

張釋見宦者傳論注

厭次見東方朔畫贊注

思晦見蕭揚州薦士表注

牛子見曹公與孫權書注

鴻飛見逸民傳論注

策劭見王文憲集序注

史岑見出師頌注 骨母見

七發注 溢溢見難蜀父老注 九遷見讓吏部表注

永始見甘泉賦注 葛天見上林賦注 黠賸見演連珠注 韞味見魏

都賦注 守闕見西征賦注 中郎見恩倖傳詒注 李匡又資暇

亥見藉田賦注 錄曹樞樂府寒髓炙熊躡李氏云今之腊肉謂之寒復

引羊淹雞寒爲證又李以句膾鯉膾胎鯢因注詩曰

包鼈膾鯉五臣遂改寒鼈爲包鼈以就毛詩之句又子

建七啟寒芳苓之巢龜五臣亦改寒爲拳何以對下句

之膾耶 邱光庭兼明書靈光殿賦雲棗蘂椀臣向日

椀父手也不依爾雅之文臆爲其說且上文枝穿卽父

手也何得更以椀爲父手違經背義乖繆之甚 東坡

志林李善注文選本未詳備五臣匪儒之荒陋者也謝

瞻張子房詩云苛慝暴三殤此謂上中下殤言秦戮及

孥稚也而乃引苛政猛于虎謂夫與父爲殤豈非俚儒

之荒陋者乎 容齋隨筆謝元暉詩陌阨賴宗袁正謂

謝安安于元暉爲遠祖以其爲相故曰宗袁而李周翰

注謂王導至謂導與謝元同爲相故曰宗袁而李周翰

策而狂妄注書 袁桷困學紀聞序先生諱應麟字伯

厚自號深甯居士 困學紀聞卷二文選任彥升曰不

改參辰而九星仰止注引周書王曰余不知九星之光

注二

三

周公曰星辰日月四時歲是謂九星卽九紀也 紀聞

卷十魏李蕭遠運命論張良受黃石之符誦三略之說

言三略者始見於此 紀聞卷三夏屋渠渠文選靈光

殿賦注引七依作蘧蘧 紀聞卷七張衡思元賦匪仁

里其焉宅兮注引論語里仁爲美宅不處仁焉得知里

宅皆居也石林云以擇爲宅蓋古文云然 紀聞卷十

八陸務觀記東坡詩翠欲流調蜀語鮮翠猶言鮮明也

愚按稽叔夜琴賦云新衣翠粲李周翰注翠粲鮮色李

善注引子虛賦翕呬翠粲張揖曰翠粲衣聲其義一也

紀聞卷二十曹操夫人與楊彪夫人書送房子官綿

百斤古文苑誤爲官綿按魏都賦綿繡房子晉陽秋有

司奏調房子睢陽綿 紀聞卷十二賈生弔屈原云謂

跼躄廉注楚之大盜曰莊躄漢西南夷傳莊躄以其眾

王眞此又二莊躄又古今人表許由巢父爲二人應

休躄又謂之山父 楊文公談苑淮南張悌知舉進士

試天雞弄和風詩悌但以文選中句出題有進士白試
官云爾雅天雞有二未詳孰是悌不能對亟檢爾雅
蟲有韃天雞釋鳥有韃天雞江東士人深于學問有如
此者 困學紀聞嘗見長洲宰其圃扁曰茂苑蓋取諸

吳都賦予曰長洲非此地也漢郡國志廣陵郡東陽縣
有長洲澤吳王濞太倉在此東陽今盱眙縣故枚乘說
吳王云長洲之苑服虔以爲吳苑韋昭
以爲長洲在吳東蓋謂廣陵之吳也

注一

四



吳都賦予曰長洲非此地也漢郡國志廣陵郡東陽縣
有長洲澤吳王濞太倉在此東陽今盱眙縣故枚乘說
吳王云長洲之苑服虔以爲吳苑韋昭以爲長洲在吳東
蓋謂廣陵之吳也

紅蕙山房倡和詩序

嘗聞劉彥和之言曰蘭爲國香服媚彌芬書亦國華玩
澤方美豈非以根同富媪而胎鬢者悅魄事歸晏媵而
娛文者揚徽蓋索胡繩之纏纏則都梁迷迭不能斂其
芳也羅皇墳之贊贊則芝房菌宮不能掩其雅也若今
袁子紅蕙山房其殆勒思兼兩矣乎初崑山健庵司寇
開書局於洞庭東山戢香羣籍鋪棊鴻藻厥有紅蕙藍
蘭其旁星霜代移菂茂無改於是洞庭鈕子匪石效疏
麻之折作文無之贈而楓橋袁子壽階爲築塋而蒔焉
憶夫承接茵憑薰染煙墨府羅羣玉室啟謨觴湘雨方

注一

一

歌朱顏酡些萬籤錦暉煥色色同百軸油拳流香香雜
門疑通德作帶縈書地似羽陵代芸走蠹或上公簪筆
露眼旁窺或羣土哦松頰容流笑此紅蕙之前塵也至
乃巖暄野淑波麗帆閑辭石戶而下單椒入葢閭而就
小築東皇載豔紅影搖雲有美移家狂香擁穠性殊橘
化踰淮益良子有蘭心雜佩以贈草上君遷之號室同
善人而居此紅蕙之受遣也精廬香窠旋房便娟培以
隱土泥清潤以仙人水綠珠點夕露金然曉光亭風汎
馨什月搜豔動則奪目靜則襲人丹榴窰窰無此靡顏
朱榮熙曜遜彼潛穎此紅蕙之振奇也雖然土夫木伯

懷離芷而不芳辛楣藥房入娜嬛而增美在昔一茅三脊藉泰岱之金繩百莖孤根任孔林之玉策眷言珍卉例近文章然則人非天士曷稱靈華地乏書城難安香種今袁子汲古得縑眞想在襟讀百二十國之寶書禿成園一片心香人花同氣侔色而珊枝架赤鬪采而藜火搖青露稱研朱秋相吹息是又紅蕙之諧際而文字之緣深故也時則大雅鱗萃八風棣通齋閒塵橫夜寂琴暢一倡百和總總搏搏錦瑟湘波之韻瑤情左徒之篇各爲傳神不辭書葉而僕則因之有感焉以彼巖隱

注二

挺秀非不貞萋也而冀壤雜之落岑宗生非不荃寄也而艾蕭浼之霜巖影獨山空跡孤雖余情其信芳渺斯世其焉託豈有則巨公冊府登通士墨莊薰沐儒林始終文囿紅絲潑瀋吐齊爭輝彤管飛花流丹角豔若此蕙者其出處豈偶然乎國香國華載服載玩猗歟袁子斯之謂已爰繼叔夜懷香之賦代小草聲言卽傲揚雲

篆刻之文爲羣公批導

劉媿文心雕龍知音篇蓋聞蘭

澤方美知音君子其垂意焉

爲國香服媚爾芬書亦國華翫布寫晚菱必弗注司馬彪曰肝過也芬芳之過若蠶之

布寫也 漢書禮樂志唐山夫人安世房中歌神來宴 煥 屈原離騷經索胡繩之纒纒王逸注胡繩香草也 王延壽魯靈光殿賦芝栴櫝羅以戢香李善注戢香

衆貌 班固西都賦桑麻鋪荼 左思吳都賦異莠藟

薛 吳都賦鬱以菑茂 古今注相招召贈之以文無
亦名當歸 陸游詩貴人誰記接苗憑 梁簡文帝與
湘東王論文書徒以煙墨不言受其驅染紙札無情任
其搖壁 穆天子傳至于羣玉之山容氏之所守曰羣
玉田山如阿平無險四徹中繩先王之所謂策府 五
朝小說馮贛記事珠嵩高山下有石室名謨簡內有仙
書無數方回讀書於內玉女進以飲食 李賀蘇小小
墓詩幽蘭露如噉眼 楞嚴經若離前塵有分別性卽
眞汝心若分別性離塵無體斯則前塵分別影事塵非
常住若變滅時此心則同龜毛兔角 王勃上巳浮江
宴序巖暄蕙密野淑蘭滋 潘岳西征賦感市閭之葺
井注葺麻蒸也葺井卽渭城賣蒸之市 吳都賦劉淵
林注君遷之樹子如瓠形 家語六本篇與善人居如
入芝蘭之室久而不聞其香卽與之化矣 魯靈光殿
賦旋室嬾媚以窈窕洞房叫窳而幽邃 王勃秋日遊
蓮池序隱士泥清仙人水綠 于邵遊李校書花藥園
序珠點夕露金然曉光而後花發五色色帶深淺叢生
一香香有近遠動皆襲人靜則奪目 魯靈光殿賦綠
房紫萼窈窕垂珠 中說天地篇或問揚雄張衡子曰
古之振奇人也 管子封禪篇江淮之間一茅三脊所

注一

以爲藉也 史記龜策傳著百莖共一根又其所生獸
無虎狼草無毒螫 漢書李尋傳拔擢天士任以大職
注李尋曰天士知天道者也 陶潛始作鎮軍參軍經
曲阿詩眞想初在袷誰謂形迹拘 唐書藝文志太府
歲給河間景城清河博平四郡免千五百皮爲筆材
揚雄甘泉賦齊總總以搏搏其相膠韜兮注總總搏搏
束聚貌也 李商隱牡丹詩我是夢中傳彩筆欲書花
葉寄朝雲 酈道元水經注又選七賢祠東左右筠篁
列植冬夏不變貞萋 稽康懷香賦序曾見斯草植于
廣厦之庭或被帝王之囿怪其遐棄遂遷而樹于中堂
晉書孫綽傳嘗與習鑿齒共行綽在前顧謂鑿齒
曰沙之汰之瓦石在後鑿齒曰簸之揚之糠粃在前

畢季瑜詩集序

夫豫章瑰姿必攢柯於穹谷金銑茂器類耀珍於鼎門
稽古一颺一舳繼采南都四括四黃紹芬北代過江鄞
琊之集成家者百人彭城秘書之族能文者七十咸席
華閣互挺雅材而簡札委於哀蟬年禨悲其颺電豈非
聯肩抱玉而冠倫爲難眾手操觚而壽世卒異若夫廁
優鳳之列獨號歸昌擅宗駒之名尤推符拔旣卓躒乎
羣雅斯照燭乎三才是足以奴命封胡走僊養炬矣畢
子季瑜攀雲肇夢唾地成文生崇蘊穹窿之門奮銳銀
旭歷之學七誘十醉盧牟乎羣言五志四名曲暢其精

注一

一

旨穿溟滓龐鴻以立幹喻厥淵深融瓶盆釵釧爲一金
方茲辟灌遂乃飛走文翰吐驗芳華伯歌季舞聯藻盛
乎襟裾前于後喁獨秀壓乎花萼推原得力匪祇才雄
抑亦有天相焉蓋其世父弁山尙書以列緯之身作八
州之督鋒車所蒞珊瑚網肆張方聞之天士編削之儒臬
大師宗高密之嗇夫絕業闡永元之凌長弦詩者說窮
五際呈藝者人集八能纓綬景從俊傑麻列季瑜屨屐
其際粹厲有加珠林彙而詞鸞事典學刃攢而文鋒益
峻往往一篇跳出鴻律馘乎幄賓九變樂成龍文歎乎
家相斯豈後門之寒峻白望之么膺所能比跡也況乎

輪蹶供其睇眄嶽瀆助其襟靈挹蓮峰神女之漿汎灑
豪素聆緱嶺王喬之奏協應宮商凡鶉首所以典秦鴻
溝於焉啟漢魚羊雲擾之地罷貉兵爭之區莫不聚山
河於掌中發符采於馬上落落清嘯竦韻流蘇門之音
茫茫古懷填胸貯廣武之淚是又非蜷局枌榆嘲弄風
月者可方軌齊驚矣且也陟榮朱紫則錦槩之功妨勒
勳梓孟則藻詠之道損業不兩進自古爲昭以季瑜台
表右宗謫鬱光譽使就任子之令繼保釐之規若崇祖
之於豫州幼度之於太傅何難蟬蛻滓濁擢景神塗而
乃志阻高箱業同白屋囊素橐筆力倦庚郵之籤折牙

注一

二

摧撞僅射乙科之策未免青霞鬱抱金錯言愁對明鏡
而惜媼娥坐空山而携冰雪煩腸沃耐則速藻吐其洪
輝妙心煉年則刻葩同夫神匠故能妍茂騫擲騰遑飛
超辭放瓊琚青玉琢文之字手爲爐韞吉金治定之功
以視收偉績於折屐纘宏緒於擁騶喬彼豐茲成此英
絕尤不可謂非元造已兆蓂闔左寒悴世講末行傲應
場之文論惜識於照隅誦張衡之仙詩躍心於觀綺屬
當寫定誣諉弁端雄或軋霄崢麗或洗晴雪劇鉞心腎
拔萃孺紉諒哉餐防風七日之香餘味未歇嗣會昌一
品之集別本孤行悠繆諛詞非敢相溷聊撮指略用代

穰粃若謂宙合廓然瓌材有數雄文非桓譚不知好雌
寬非王筠不能讀則是豆盧序首祇有蘭成臨淄傾心

僅推德祖是誠王微所云瓦礫有資不敢輕廁金銀也

齊書謝朓傳朓四兄颺朏顯從世謂謝莊名兒爲風月
景山水 北史李士謙傳趙郡李氏廣武君左車其先

也左車十四世孫恢恢生定有子四人皆以儒素著名
時謂之四括機子括有男子五人時所謂四黃者也

梁書王筠傳琅邪臨沂人與諸兒書云史稱安平崔氏
汝南應氏並累世有文才所以范蔚宗世擅雕龍然不

過父子兩三世耳非有七葉之中名德重光爵位相繼
人人有集如吾門世者也 梁書劉孝綽傳彭城人除

祕書丞兄弟及羣從諸子姪當時有七十人並能屬文
近古未之有也 南史王僧虔傳戒子書云于時王氏

門中優者龍鳳劣猶虎豹 宋書符瑞志鳳皇者仁鳥
也其鳴雄曰節節雌曰足足晨鳴曰發明夕鳴曰歸昌

沈約宋書自序沈正好老莊學宗人演之曰此宗中
千里駒也 後漢書西域傳符拔形似麟而無角 梁

注一

書鍾嶸傳詩評序曰氣之動物物之感人故搖蕩性情
形諸舞詠欲以照燭三才輝麗萬有 杜牧李賀集序

世皆曰使賀且未死少加以理奴僕命騷可也 梁書
王筠傳與從兄泰齊名時語曰謝有覽舉王有養炬炬

是泰養卽筠並小字也 文心雕龍自序篇余生七齡
乃夢彩雲若錦則攀而採之 雲仙雜記有人謁李賀

見其久而不言唾地者三俄而成文三篇 子華子宴
子篇凡此三主者晉國之世臣也所謂崇蘊穹窿而不

遷之宗也 黃香九宮賦眇旭歷而銳銀注猶鑽研
北史陸侯傳曾孫暉擬急就篇爲悟蒙章及七誘十醉

章表數十篇 中說事君篇薛收問續詩子曰有四名
焉有五志焉一曰化天子所以風天下也二曰政蕃臣

所以移其俗也三曰頌以成功告於神明也四曰教以
陳誨立誠於家也凡此四者或美焉或勉焉或傷焉或

惡焉或誠焉是謂五志 裴休禪源諸序融瓶盤釵
釧爲一金攪酥酪醍醐爲一味 周愿牧守竟陵遊西

塔著三感說扶風公勳庸滿世文翰飛走 謝靈運曇
隆法師誄吐鶻芳華懷抱日月 焦氏易林伯歌季舞

燕樂以喜 顏氏家訓兄弟者分形連氣之人也方其
幼也父母左提右挈前襟後裾 唐書李乂傳弟兄同

爲一集號花萼集

後漢書鄭康成傳北海高密人少

爲郡功曹舉孝廉再遷除涑長漢書翼奉傳易有陰

陽謂有五際春秋有災異皆列終始推得久考大心以

言王道之安危後漢書禮儀志冬至使八能之士八

人合五音律先唱五音並作二十五闕皆音呂卒詠八

能士各書板言事集韻屈屐前後相諧也張說姚

文貞公碑學刃攢植文錦逃驅孔穎達左傳襄公二

十五年成而不結正義曰魏晉儀注寫章表別行起頭

者謂之跳出故杜以跳言之又孫樵寓居對一篇跳出

至死馳名文心雕龍封禪篇鴻律蟠采如龍如虬

北史楊愔傳叔父謂人曰此兒駒齒未落已是我家龍

文荀子大略篇子夏貧衣若懸鶉人曰何不仕曰諸

侯之驕我者吾不臣大夫之驕我者吾不復見柳下惠

與後門者同衣而不見疑非一日之間也楊倞注守後

門至賤者張衡西京賦乃爲金策錫用此土而翦諸

鶴首注漢書自井至柳賦之鶴首之次秦之分也南

史垣護之傳徙豫州刺史弟子崇祖有幹略護之謂門

宗曰此兒必大吾門晉書謝元傳字幼度少與從兄

朗俱爲叔父安所器重後漢書陽球傳被蒙殊恩蟬

注一

四

蠟滓濁宋書顏竣傳倚附輿運耀景神塗後漢書

郭丹傳贊少卿志仕終乘高箱范傳正李公新墓碑

銘公以謂千金之弩一發不中則當摧撞折牙而永息

機用安能效碌碌者蘇而復上哉韓愈祭郴州李使

君文逞英心於縱博沃頰腸以清酌文心雕龍隱秀

篇嘔心吐膽不足語窮煨歲練年奚能諭苦譬諸裁雲

製霞不讓乎天工斲卉刻葩有同乎神匠矣沈光太

白酒樓記乃以聰明移于月露風雲使之涓潔飛動移

于草木禽魚使之妍茂騫擲左思吳都賦狹觀探然

騰遠飛超文心雕龍序志篇至于魏文述典陳思序

書應場文論陸機文賦仲治流別宏範翰林各照隅隙
鮮觀衢路文心雕龍明詩篇乃正始明道詩雜仙心
又句翰元造高言軋霄暉洗晴雪補注王微報何
偃書又性知畫繪亦鴻鵠識夜之機不好詣人能忘榮
以避權右由來有此數條二三諸賢因復架累致之高
資不敢輕廁金銀也

陳謫人詩序

自四聲肇始韻事方滋百緣叢生溺音騰沸要歸於暉
麗萬有獨榮心靈停雲繞風不必號鐘濫脇也吹葉嚼
蕊無取夔吼鵬爭也韓非云豔采辨說揚子云綠衣三
百色如之何知此者可以讀陳子謫人之詩矣謫人少
席華胄壯飲香名息土人姣有媯族大擁書靈檀之几
角藝長楸之街吐文萬牒莫非夜光淬鋒十年鬱成宵
練固已極旭歷銳銀之志將以贊密清烏奕之休而乃
牂跛不前魚登屢困飛蓬作鬢青草爲袍言愁則金線
年年吐恨則春蠶寸寸不無勺灤有待經寃況以通倪

注一

一

風裁便嬾逸思爲洞簫作謚取腰鼓纏身鼎社環開甕
精鱗羣花飛釧動夢窄春寬得無一聲河滿輒喚奈何
十里前溪偷歌阿子至若文簫靈匹匏爵芳緣善法堂
開楞嚴眷集通絮語於華鬢天上證蘭因於耨達池頭
瑤想瓊思流波不息金迷紙醉綺緒紛來間作度詞半
歸側體逮乎紡磚別鶴金屏摧愁以玩婦高柔作誅亡
孫楚雖復金釵阿杜難解胸春繡祿舒祺祗增眉繭是
又歌離弔夢望窮紵絕陰宮唾月推煙恨裂坤靈扇牒
者矣於是摛風裁興效騷命篇根情苗言孳甲新意或
金相玉式豔溢鎗豪或霜辛露酸聲逾脆竹此葢都尉

鴛鴦之什展商曲清聲而非魏收蛺蝶之儕掉蓮花輕薄也今春予聯襪金閨出觀瓊什拊髀雀躍勸付琬鐫
謫人方且黎收以辭悞懣而謝謂翡翠蘭苕之製慮蓄薇芍藥之嘲幾將以歌詩高厚自繩引開卷王昌爲戒則豈不知宓妃美女誕詞也而三閭以忠稱浩水育魚麗語也而甯戚以行顯平子樸學數詠美人休奕直臣善言兒女賦朱幃者泉明乃高士作金樓者蕭繹實眇僧廣平梅花昌黎銀燭致堯骨鯁寄意香奩和凝俠腸託詞帷薄司馬之鉛華寶髻大范之濁酒殘燈忠簡黎渦歐陽江柳歷稽前哲綺障如斯類皆真宰不存翮其

注一

二

反矣藻詞譎喻又何傷焉彼區晉溝猶矜激偏解必謂屏間色於紅紫耀正采於朱藍作法秀之詞爲泥犁之警則是康成所謂曉一孔之人而彥和所謂東向而望不見西牆也謾言未終徇徕已失用排目論付彼手民馬腹何愁蛇珠在握君如溫尉將金荃命名我愧徐陵

爲玉臺作序

文心雕龍樂府篇自雅聲寢微濁音騰沸齊書樂志朱軋繞風翠羽停雲

子修務訓鼓琴者期于鳴廉脩營而不期于濫脇號鐘高誘注濫聲音不和號鐘高聲非耳所及也

李商隱柳枝詩序生十七年塗妝箱髻未嘗竟已復起去吹菓

鸞蕊調絲振管 文心雕龍情采篇韓非云豔采辨說謂綺麗也按今韓非子無此文 揚子法言吾子篇緣衣三百色如之何矣 李白秋夜安府送孟贊府還都

序白以弱植早飲香名 淮南子墜形訓息土人美耗土人醜 有嬌見左昭二十二年傳 凌義渠湘煙錄

謝霜回有七寶靈檀之几讀書偶忘一句一字無不現
出故道書云世有靈檀則百事可圖 王充論衡山大
者雲多泰山雲不崇朝辨雨天下夫然則賢者有雲雨
之知故其吐文萬牒 列子湯問篇衛孔周其祖得殷
帝之寶劍三日宵練 史記李斯傳泰山之高百仞而
登一慙于雁序 李商隱爲舉人上蕭侍郎啟再困于魚
春袍 秦韜玉貧女詩最憶年年壓金線爲他人作嫁
衣裳 張衡思元賦心勺藻其若湯注勺藻熱貌 王
褒洞簫賦幸得謚爲洞簫兮 南史蕭思話傳十許歲
時好騎屋棟打細腰鼓 清異錄時人爲一日具設樂
集妓輪環無已號鼎社又螺川人何畫薄有文藝而屈
意于五侯鯖尤善酒人以登精口之 樂府詩集杜陽
雜編曰文宗時宮人沈阿翹爲帝舞河滿子然則亦舞
曲也又張祐宮詞一聲河滿子雙淚落君前 古阿子
歌阿子復阿子念汝好顏容 釋宗百詠東北圓生樹
西南善法堂 楞嚴經諸世間人不求常住未能捨諸
妻妾恩愛于邪淫中心不流逸澄盪生明命終之後鄰
於日月如是一類名四天王天 詩載弄之瓦毛傳瓦
紡甄也 伏知道爲王寬與婦義安主書廣攝金屏莫

注二

令愁擁

劉孝標世說注孫統高柔集序云婚胡母氏

女姿色清惠近是上流婦人柔愛玩賢妻有終焉之志

晉書孫楚傳楚除婦服作詩以示王濟濟曰未知文

生于情情生于文覽之懷然增伉儷之重 齊書周盤

龍傳愛妾杜氏上送金釵鐲二十枚手敕曰餽周公阿

杜 焦氏易林解我胸春 戰國策左師公曰老臣賤

息舒禛最少不肖而臣哀竊愛憐之 葛長庚琴樂序

七絃淒涼使我眉繭 眞誥紉絕陰天宮人初死受事

處 坤靈扇牒補注 舊唐書白居易傳與元微之書

詩者根情苗言華聲實義 文心雕龍辨騷篇金相玉

式豔溢錙毫 蘇武詩欲展清商曲念子不能歸 北

史魏收傳收昔在京洛輕薄尤甚人號文魏收驚蛟蟻

清異錄錄輕薄蓮華舌也 文心雕龍樂府篇奇辭切

至則拊解雀躍 傅毅舞賦收收而拜注言舞將罷徐

收斂容態而拜 元好問論詩詩有情芍藥含春淚無

力薔薇倚晚枝拈出退之山石句始知渠是女郎詩
歌詩高厚見左襄十六年傳 唐詩紀事李邕聞崔顥
名虛舍待之顥至獻詩首章云十五嫁王昌邕叱曰小
兒無禮不與接而去 離騷經吾令豐隆乘雲兮求宓
妃之所在又望瑤臺之偃蹇兮見有娥之佚女 管仲

小問篇桓公使管仲求甯戚甯戚應之曰浩浩乎管仲不知中食而慮之婢子曰詩有之浩浩者水育育者魚未有室家而安召我居室子其欲室乎 張衡四愁詩美人贈我金錯刀又美人贈我金珥玕又美人贈我貂襜褕又美人贈我錦繡段 晉書傅元傳字休奕每自効奏或值日暮捧白簡踈踊不寐于是貴游懼伏臺閣生風按張博百三家集題詞休奕天性峭激獨爲詩篇辛婉溫麗善言兒女 陶潛閑情賦褰朱幃而止坐汎清瑟以自欣 四庫全書總目金樓子六卷梁元帝撰承明以後豔體盛行此書亦文格綺靡不出爾時風氣南史梁元帝紀初武帝夢眇目僧執香爐稱託生王宮旣而帝母在采女次侍夢月墮懷中遂孕 皮日休桃花賦序余嘗慕宋廣平之爲相貞姿勁質疑其鐵腸石心不解吐婉媚詞而有梅花賦清便富豔得南朝徐庾體殊不類其爲人也 韓愈酒中留上襄陽李相公詩銀燭未消窗透曙金釵半醉春添春 葉夢得石林詩話韓偓終身不食梁祿人節與司空表聖略相等惜唐史止書乙丑一召不爲少發明之 韓偓香奩集自序咀五色之靈芝香生九竅咽三危之瑞露春動七情 五代史和凝傳賀瓊辟爲從事瓊與唐莊宗戰敗走

注一

四

獨凝隨之反顧令去凝曰大丈夫當爲知己死豈可去也 沈括夢溪筆談香奩集漢相和凝所爲後貴惡其側豔嫁名于偓又孫光憲壯夢瑱言凝少好爲小詞令布于汴洛泊作相專令人收拾焚毀契丹入寇號爲曲子相公石林詩話云然則凝雖有集名香奩乃小詞耳安得以世所行香奩集爲凝作耶 司馬光西江月詞寶髻鬆鬆挽就鉛華淡淡妝成紅煙紫霧罩輕盈飛絮游絲無定相見爭如不見有情還似無情笙歌散後酒微醒深院月明人靜 范仲淹蘇幕遮詞酒入愁腸化作相思淚又漁家傲詞濁酒一杯家萬里又御街行詞殘燈明滅枕頭欵語盡孤眠滋味 歐陽修江南柳詞江南柳葉少未成陰堂上簾錢堂下走此時相覓已留心何況到如今 文心雕龍辭采篇眞宰弗存覓其反矣 又宗經篇摛風裁興藻韻譎喻 又情采篇正采躍乎朱藍間色屏於紅紫 鄭康成反古之道注謂曉一孔之人正義曰孔謂孔穴所出事有多途今惟曉知一孔之人不知餘孔通達故曰一孔 文心雕龍知音篇各執一隅之解欲擬萬端之變所謂東向而望不見西牆也 史記越世家今王知晉之失計而不自知越之過是目論也 清異錄木匠總統號運斤之藝又曰手

注
一

五

元南林詞序

紗厨夜靜雲間流璧月之輝花徑人來袖底出金莖之
集謂謝傳中年多感祗憑絲竹傳將謂周郎少日知音
試盪薔薇讀去於是闔關近客翦燭開編擷寶薤之千
行勝珍珠之百琲淒切則乳鶯雛鳳華年彈錦瑟之弦
豪雄則鐵馬金戈壯士下銅琶之淚鏤心貯雪嚼齒生
風拈豪而海水羣飛擊節而天葩欲散織綃泉底去塵
眼中夫何愧矣慨自讀曲人稀倚聲道廢情殊杜牧豈
解傷春客老何哉誰工作譜遇魏三於筵上冷落紅牙
弔柳七於風前淒涼仙掌豈非其風肆好何爲響絕人

注一

一

寰尚無不平則鳴要在情鍾我輩元君南林以吐鳳之
清才值雕蟲之多暇桃波柳浪春題漢上之襟蠟淚爐
香秋動畫堂之思碧雲日暮未免有情紅豆江南詎能
無贈況復平子工愁馮唐寡遇跳隻丸於天上白髮催
愁鬪八米於風檐青衫帶夢瓊樓玉宇空翻水調之歌
斜日西風怕聽山陽之笛此所以湯休寫怨色雖好而
非淫中散揮弦琴以哀而愈促者也獨是秋雁橫汾李
嶠應呼才子春風紅杏宋祁曾號尙書宮中噪元相之
名塞外播稼軒之曲固知搯酥滴粉合翱翔供奉之班
不則縱酒判花亦跌宕笙簧之座而奈何鶴只語寒蟲

惟習苦似近彈碁之局心最難平渾吟伏櫪之詞壺眞
欲缺君誠好事恍留遙響於鈞天僕本恨人忽觸前塵
於昨夢憶賤子垂髫之歲正家君作宰之年焉支塞上
漢月臨關拓跋罔頭秦雲壓幕時撫懷於秋色亦莫按
夫春情往往墨染弓衣黃衫停舞箋分紈帕紅粉驚迴
南山射虎調拈馬客之題北里停驂句入鯤弦之譜迨
乎琴鶴東還鷓鴣南向吳宮花草不解埋憂山下靡蕪
誰能蠲忿溯醉紅於綺歲酒冷香銷託望帝於鶉聲弦
么柱促撲金鈿而無緒看紅蠹以奚堪今誦新篇恍逢
故我相見爭如不見倍添美人芳草之思言愁我始欲

注一

二

愁能無病鶴傷鴻之感所幸白社依然黃花無恙偶緣
星聚得識眉山須趁月明同酬子野但風流之足樂卽
顛領以何傷檀板節而銀箏調蛾岫聳而鶯簾卷他日
秦青按拍壘裁蜀錦以酬歌此時劉白傳觴且作漢書
之下酒

甯止齋云賓主錯綜無一筆漫下是選體得古體結
搆者故節愈高神愈遠但以壯麗目之猶屬皮相

此乾隆辛亥歲客潁州時作甯徵君止齋極賞之子
以音調入時詞滑而氣薄久屏不存今止齋已歸道

山念良友之云亡感知音之永逝不忍終棄聊復錄

之并系止齋原跋於左以無負故人見推之雅云自記

晉書王羲之傳謝安謂羲之曰中年以來傷於哀樂與親友別輒作數日惡羲之日年在桑榆自然至此頃正賴絲竹陶寫恆恐兒輩覺損其樂歡之趣拊掌錄北都有妓女美色而舉止野極人謂之生張八因生張八忠愍令乞詩于魏處士野野贈詩曰君爲非道府會寬我是西州熟魏三莫怪尊前無笑語半生半熟未相諳

世說王衍喪幼子悲不自勝山簡弔之曰孩抱中物何至此衍曰聖人忘情下愚不及情情之所鍾正在我

輩西京雜記揚雄著太元經夢吐白鳳王仁裕玉

堂閑話漢上題襟集三卷段成式從事襄陽徐商幕時與溫庭筠等倡和篇什及往來簡牘今多逸溫庭筠

更漏子詞玉爐香紅蠟淚偏照畫堂秋思明皇傳信

記上將幸蜀登華萼樓使樓前善水調者登而歌至山川滿目派沾衣富貴榮華能幾時不見祇今汾水上惟有年年秋雁飛上顧侍者曰誰爲此曰宰相李驕詞也上曰真才子也陳霆涪山堂詞話宋子京有紅杏枝頭春意鬧之語時號紅杏尙書唐書元稹傳宮中呼元才子按宋辛棄疾有稼軒詞紅蓮補注晉書

注二

王湛傳湛子安期至下邳登山北望歎曰人言愁我始欲愁矣列子湯問篇薛譚學謳于秦青自謂盡之秦

青饒于郊撫箏悲歌聲過行雲譚乃謝求返宋史蘇舜欽傳在杜祁公館舍每夜必求酒一斗密窺之見方

看漢書曰有如此下酒物一斗未足多也

徐企范詞序

自端伯編雅詞嗣陽輯復雅倚聲一道率崇標格泥犁
冷音草堂僞體滌瑕蕩垢若振槁焉其弊也夷詬無節
皮傅相因排焦鏤脆旣涸其心波濤芳擷腴徒襲其郭
郭盃脫何取粟陳可嗤問或矯之又流靡宕燕女溺志
不登於大晟猛起廣賁有乖於小雅分流僭馳於道益
僭去此兩失方足言詞崑山徐子企范健庵司寇裔孫
也三戟望峻九能學成出其餘波韻諸比竹激海雨而
入頰灑江流以潏腸遏雲雲停鼓宮宮動感羈孤則潛
葦語砌抒騷屑則寥鴻唳秋年年木瓜之山酸心自領

注一

寂寂然鏡之炷有由難明往往十斛量愁一升儲淚其
或酒香黏袖人嬌當花左微揚而右宮沈命嚴春而使
叔子看朱成碧狂言展其眉青判白批紅秀語奪乎山
綠亦復箏牀箋落梨頰渦生要皆劇鏘心神疏淪靈府
媒不墮於馬腹雅不類於虎賁鉤弦而爪甲塵清按拍
而纖髻影驪舉秀韜瑕庶幾近道矣君嘗謂予一生趨
詣首在玉田予竊疑焉夫玉田以烏衣貴游摛白雲麗
藻屬丁叔末寫厥牢愁感深者語長弦急者柱促君蟬
媯鼎望遭際昌期會當獻靈夔歌朱鷺譜箛籥之奏中
莖韶之宮豈與夫眇睇山河聊浪琴酒者同年而議豈

確哉嗟乎五百車歡喜之九情緣曷極廿四官眞靈之
座慧業誰多所願清角調高紅杏聲貴雲門舞而笙琶

洪咸池陳而鞞鐸和於以揮綽三雍襄佐七德紹麻家

乘協律太常則是編猶椎輪之始也黃叔賜花庵絕妙詞選序曾端伯所

編樂府雅詞又復雅一集乃陳氏所謂錮陽居士所編

傅拍板謠麻姑親採扶桑木鏤脆排焦其數六駱賓王上崔長史啟心波湛漢情岳千天朝野僉載則天

革命舉人不試皆與官張鷟為謠曰補闕連車載拾遺

平斗量把推侍御史盃脫校書郎按通鑑注脫者盃之形模言箇箇相似也

按大晟與樂名淮南子說山訓分流僂馳按僂同外又音蠹與陸字音義同此作僂

僂亦音蠹蓋因音同而假借之也舊唐書崔義元傳神慶子琳等皆至大官時號三戟崔家詩卜云其吉

毛傳建邦能命龜田能施命作器能銘使能造命升高能賦師旅能誓山川能說喪紀能誅祭祀能語君子能

注一

此九者可謂有德音可以為大夫莊子齊物論人籟則比竹是已

蘇軾海州石室詩江風海語入牙頰五代史雜傳王仁裕少嘗夢剖其腸胃以西江水滌之

顧見沙石皆為篆籀之文由是文思益進莊子徐無鬼鼓宮宮動鼓角角動

李白詩客心自酸楚况對木瓜山古樂府讀曲歌然鐘不下姓有油那得明

陸游詩儲淚一升悲世事鄒陽酒賦右曰宮中旁曰徵揚

洛陽名園記今洛陽良工巧匠批紅判白接以他木與造化爭妙蘇軾和子由記園中草木詩探懷出新詩秀語奪山綠

後漢書孔融傳與蔡邕素善邕卒有虎賁士貌類邕融每酒酣引李同坐曰雖無老成人尚有典型湘煙錄詩源指訣與觀作百年歌

王提請其法觀彈指曰遺子瓜瓜清塵庶幾文思有加韓愈祭郴州李使君文投叉魚之短韻愧輻輳而舉秀按山中白雲詞西秦玉田生張炎叔夏著

法苑珠林五百鹿車載種種歡喜丸眞靈位業圖二十四官君將吏千二百官君將吏氣化結成

班固東都賦盛三雍之上儀莊子天運篇其聲揮綽注揮綽悠揚發越之意

唐書樂志貞觀元年奏秦王破陣樂其後令魏徵等改制歌詞更名七德之舞昭明太子文選序若夫

推輪爲大輅之始大輅寧有推輪之質
增冰爲積水所成積水曾微增冰之隙

注一

三

雅樂精義後序

嘗讀班志藝文凡樂六家百六十五篇師中趙定紀述其鏗鏘制氏竇公布陳其爪指樂書之獻頡頏聖經自古籍湮淪史志龔繆搗箏擊阮之事濫列乎儒家伶工技師之言錯附於經術識者典嘆於道悖矣逮考鄭子敬氏書目謂儀注不得附禮編年不得附春秋後之樂書宜各爲類直齋陳氏遂援斯義凡諸琴說退置雜藝之前以姬孔之雅弄下儷巴渝昧牙曠之神解概同部伎道藝不分古俗淆亂偏激之論靈復有當乎我外大父蔡能一先生元漠秉質恬敏宅心辭榮就枯削迹捐

注二

勢豪筆西邸問爲鄒枚之遊繫情北山力謝孝獻之辟獨以覃思研究琴旨上探空積忽微之數下及搜挽操拊之法因流汭源斥哇去鄭彙集成說葺爲全編總統古今辨析間與末附新奏所謂神而明之之事樂出於虛技進乎道宣揚中聲羽翼經義蓋非墨客之師傳筆人之譜錄所可齊眊也伯仲兩舅嗣芬早世兆蓀生晚未瞻西州顧於騎竹之年獲聞折夔之訓矣我母氏慧發髻鬣智周徽章在野之馬筭中之牛離羣之羊登木之雉審其和繆鳴其廉隅得物符手得手符物稽心羊體獨精其傳春徑晝淑秋堂夜闌風暄拂巾月大當戶

茗甲欲坼爐香方酣拈指鉤弦輒作數弄情愔乎穆穆
乎導和宣情悟靈感物信然哉嘗手是書顧而喜曰此
攫醜之津梁雅歌之統會昔濟南弱女能傳父書陳留
才媛克上遺籍予齋斯志欽欽如何兆蓀敬而聽之弗
敢忘諗風木銜恤燧穀愴懷恨蒙心失肆疇曩屬有
女弟輟解鞬弦遂旨元文未授十一緬追絲桐養德之
義深抱蓼莪罔極之哀遠慙陽元宅相之言近軫廣陵
絕弦之感遺佚滋懼爰按錄而傳之補缺訂訛將以竣
諸達者登六藝之略卽無覲於蘭臺調五音之鈞或遠

軼乎簫譜爾

漢書藝文志雅琴趙氏七篇名定雅琴師氏入篇名中漢興制氏以雅樂聲律世在

注一

二

樂官頗能言其鏗鏘鼓舞而不能言其義六國之時魏
文侯最爲好古孝文時得其樂人竇公獻其書乃周官
大宗伯之大司樂章也直齋書錄解題鄭子敬氏書
目曰儀注編年各自爲類不得附于禮春秋則後之其
書固不得列于六藝唐六典凡大燕會則設十部之
伎於庭漢書律歷志非黃鐘而它律雖當其月自宮
者則其和應之律有空積忽微不得其正此黃鐘至尊
亡與竝也稽康琴賦或摟擻櫟摶縹緲激冽晉書
謝安傳羊曇爲安所愛重安薨後輟樂彌年行不由西
州路嘗大醉不覺至州門悲感不已以馬策扣扉誦曹
子建詩曰生存華屋處零落歸山邱慟哭而去鄭谷
自序曰谷勤苦風雅騎竹之年卽有賦詠揚子方言

故傳曰慈母之怒母之怒子也雖折夔笞之其惠存焉管子
地員篇凡聽徵如負猪豕覺而駭凡聽羽如鳴馬在野
凡聽宮如牛鳴筍中凡聽商如離羣羊凡聽角如雉登
木以鳴淮南子天文訓姑洗生應鐘比于正音故爲

和應鐘生蕤賓不比正音故爲繆張仲才文始真經
所以悲思想慕者非手非竹非絲非桐得之物符之手
得之手符之物梁書柳惲傳子良曰卿巧越嵇心妙
臻羊體按宋世有嵇元榮羊登竝善彈琴列子湯問

篇瓠巴鼓琴而鳥舞魚躍鄭師文聞之棄家從師襄遊
柱指鉤弦三年不成章 史記田敬仲完世家王鼓琴
鄒子推戶入曰善哉夫大弦濁以春溫者君也小弦廉
折以清者相也攫之深醇之愉者政令也 漢書儒林
傳伏生濟南人孝文時求能治尚書者伏生年九十餘
詔太常使掌故晁錯往受之注師古曰衛宏定古文尚
書序云伏生老不能正言使其女傳言教第 後漢書
列女傳陳留董祀妻者同郡蔡邕之女也字文姬曹操
問曰聞夫人家先多墳籍猶能憶識之否文姬曰亡父
賜書四千許卷流離塗炭罔有存者今所誦憶裁四百
餘篇耳於是籍書送之文無遺悞 晉書稽康傳將刑
索琴彈之曰昔袁孝尼嘗從吾學廣陵散吾每靳固之
廣陵散于
今絕矣

注二

三

送尤祖望學博膺薦入都序

夫繁弱登御而高墉之功顯孤竹在肆而降神之曲成
士有懷榦翮備方圓日下粲爛部分如流陵雪褒穎貞
柯於焉振芳練素表名油帛因之書績吾友尤子祖望
殆其人歟夫其黃中通理潤古雕今肘書一壺吐文萬
牒凡夫天口聖譯之製瑰偉連犴之文四聲八病之詩
五角六張之賦罔不刻苦於學瓏玲其聲傲試席而孤
巖隱叢繪國圖而天馬在手試僕射策杜正倫誠好秀
才署行義年丁子禮得冠貢籍遂乃圍橋觀聽觚稜對
揚亞賢良科作文學掾非補履以干將實開瑩以荆玉

注一

一

也獨是文者身之藝藝優則幹局疏筆者情之苗苗繁
則智源涸劄心焯掌之士難與識語諸振翰搗藻之才
不可論脈摘其有彈豪落紙槃槃鴻章而又當官理人
衍衍辨舉自非齒角兼與誰復白黑分明而祖望則大
夫九能君子不械精越瞑士迂嗤槩人李普濟程材入
麤入細管夷吾用智一龍一蛇短檄召而青油開長史
辟而丹籍判黑頭謝掾廣宣六條詔書白馬公孫總說
數曹史事花飛牘背風旋筆端視夫蝴蝶階閒芙蓉官
冷此家疏誕不中功曹人世婆娑祗堪碎職豈非俊雄
者熱烈么麼者芻微鳳舉鴻翻青雲貴自致耳何怪乎

三蟬八座虛襟而款賓王十緊六雄交牘而推齡石也
哉維著雍敦牂之歲祖望登上計之章列焚香之表擢
諸比校舉任典城蓋將以甄賢能勵綱佐也論者謂抱
龍淵椎成之資天流虹電奏苓落朱千之曲子有簫韶
金馬巖徐待子久矣何必汲汲驅鹿車馳耶不知栢格
之松依乎日月不若取以蔭塗也吉雲之露盛以琉璃
不若濡以被草也彼夫蕭柅作相郁樸登朝轉恐立竿
懷慙陸沈自隱豈若一城如斗史書大大之功五等爲
侯手造元元之命鴻烈之言曰以所修而遊不用之鄉
猶樹荷山上而畜火井中也祖望其知之矣於時素秋
屆節天風隕霜爰飭裝衣爰祭軌道衡流方羊將泝北
而上焉雙鳥東來人看短簿一時西笑盡望長安小侯
入

觀六發金版之才

天語臨軒一丈緹油之錫由此拜腴壤縮銅符領第一
清助登三化報二十七最署三十六曹以古況今如竿
取影僕也援孤地絕羽落心傷詩詠墳簞及爾如貫人
非桃李豈得無言所願靜以養和節以行惠懽懽憐牟
愛也愛則網疏椎拍宛轉嚴也嚴則民劫鈎距不廢而
積魚莫傷謗妯乃煩而害馬必息權通介而於道大適

合夷惠而與物爲春用晦爲明鮑永不妨轡緩以文喻
治士衡祗患才多縣者弦也最之而已嗟乎雲龍投分
恐無逐影之期秋雁隨陽尙有呼羣之戀途遙力弱情
滿庭虛去馬歸軒人間天上結飛霞以爲佩遙聆仙吏
聲清望綺雲於層霄莫使故人書斷禱慙張老義附僕
夫聊助清風使無忘諭劉峻世說注陸機薦戴淵曰益
聞繁弱登御然後高墉之功顯
孤竹在肆然後降神之曲成蜀志糜竺傳竺雍容敦
雅而幹翮非所長 南史沈憲傳少有幹局褚彥回以
爲方圓可施 北史裴寬傳弟漢尤便簿領斷割如流
相府爲之語曰日下粲爛有裴漢 蜀志李嚴傳字正
方諸葛亮與孟達書曰部分如流趣舍罔滯于性也
宋書陸徽傳上表薦士曰臣聞陵雪褒穎貞柯必振
魏書蕭寶夤傳殊迹校名驗于虛實又經奏之後考
功曹別書于黃紙油帛 北史文苑傳序潤古勝今有

注一

所未遇 拾遺記浮提國獻神通善書二人出肘間金
壺二寸上有五龍之檢封以青泥壺中有墨汁如酒漆
洒地及石皆成篆隸科斗之字 王符潛夫論夫聖人
爲天口賢人爲聖譯 莊子天下篇其書雖瓊瑤連珠
無傷也 韓愈寄崔立之詩傲兀坐試席深叢見孤羸
李商隱爲舉人上翰林蕭侍郎啟用視草之工解按
劍之怒手爲天馬心繪國圖 漢書高帝紀十一年詔
其有意稱明德者爲之駕遺詣相國府署行義年注蘇
林曰行狀年紀也 後漢書蔡茂傳字子禮對策高等
擢拜議郎 劉向說苑雜言篇于將莫邪至利也然以
之補履曾不如兩錢之錘 宋武帝與臧熹敕荆玉含
寶要俟開瑩幽蘭懷馨是資扇發 荀子解蔽篇有子
卧而燔掌可謂能自忍矣 劉劭人物志智意之人以
原意爲度故能識韜謂之權而不貴法度之常 劉熙
釋名瓠摘猶譎摘也如醫別人瓠知疾之意見事者之
稱也 蜀志楊戲傳贊費賓伯曰當官理任行術辯舉
漢書董仲舒傳子之齒者去其角傅之翼者兩其足
漢書薛宣傳所貶退稱進白黑分明 楊子法言君
子篇或問航不漿衝不齋有諸曰有之曰大器固不周
于小乎曰斯械也君子不械 呂氏春秋知接篇隰士

未嘗照故未嘗見 揚子法言淵騫篇或問叔孫通曰 槩人也 北史李裔傳李普濟學涉有名性和韻時人

語曰入蠶入細李普濟 管子樞言篇一龍一蛇一曰 五化之爲周注龍蛇喻行藏行藏五變故曰五化 晉

書李含傳遂颺州以短檝召含 晉書王珣傳與謝元 爲桓溫掾溫曰謝掾年四歲召含 後漢書

頭公皆未易才也按文用黑頭屬謝掾小誤 百官志注蔡質漢儀曰詔書舊典刺史班宣呂六條問

事 後漢書公孫瓚傳常與善射士數千人皆乘白馬 自號白馬義從 魏志公孫瓚傳注性辨惠每曰事常

總說數曹事太守奇其才 雲仙雜記田承嗣發治文 書如流水吏人相謂曰世罕有此旋風筆 洪邁容齋

四筆朱載上爲黃州教授有詩云官閒無一事蝴蝶飛 上階 魏志杜畿傳注京兆尹張時署爲功曹常嫌其

潤達曰此家疏誕不中功曹矣 梁書止足傳論比夫 懷祿耽寵婆娑入世則殊間矣 北史劉桃符傳射策

甲科歷碎職 鷓冠子道端篇無道之君任用何麼動 卽煩濁有道之君任用俊雄動卽明白 周書沈重傳

高祖致書曰所望鳳舉鴻勳戰而萃止 南史何載傳 褚彥回曰臣與王儉旣已左珥若復加戟則八座便有

注二

三碑 唐書馬周傳字賓王 唐書百官志議定天下 州府爲兩輔六雄十望十緊及上中下之差 南史朱

齡石傳齡石有武幹又練吏職 魏泰東軒筆錄謝必 居官不妄薦人或薦一人則焚香捧表三關再拜而遣

後漢書韓稜傳肅宗賜諸尚書劔惟三人手署其名 曰韓稜楚龍淵鄧壽蜀漢文陳龍濟南推成論者以稜

淵深有謀故得龍淵壽明達有文章故得漢文龍敦樸 善不見外故得椎成 尚書大傳奏荅落朱干之曲

魏志蘇則傳注同郡吉茂仕縣令遷冗散朝則曰仕宦 不止執虎子則笑曰吾誠不能效汝蹇蹇驅鹿車馳也

山海經方山上有青樹名曰柗格之柗日月所出入 也 郭憲洞冥記東方朔曰臣有吉雲草十種其國俗

之雲氣著於草樹皆成五色露珠盛青琉璃帝偏賜羣 臣得嘗者老者皆少疾者皆愈 干寶晉紀總論曰王

公以蕭飢之稱調時指曰三公皆蕭然自放柗爾無名 王充論衡物實無中核者謂之郁無刀斧之斲者謂

之樸文吏不學世之教無核也郁樸之人孰與程哉又 日以郁樸之實不曉禮義立之朝廷植竿樹表之類也 其何益哉 孔叢子嘉言篇夫以少少之衆立大大之

功唯君爾 淮南子嘉言篇夫以少少之衆立大大之 功唯君爾 淮南子嘉言篇夫以少少之衆立大大之

譬若樹荷山上而畜火井中操釣上山揭斧入淵欲得
所求難也 衡流方羊見左哀十七年傳 晉書郗超
傳時王珣爲桓溫主簿府中語曰髣參軍短主簿能令
公喜能令公怒超髣珣短故也 趙德鄰侯鯖錄關東
鄙語曰人間長安樂出門向西笑 莊子徐無鬼橫說
之則以詩書禮樂從說之則以金板六弢 緹油已見
詩卷七注凡已見例不復出 魏書辛雄傳請上等郡
縣爲第一清中等爲第二清下等爲第三清選補之法
妙盡才望如不可並後地先才 史記司馬相如傳難
蜀父老上咸五下登三 舊唐書職官志善狀之外有
二十七最 北史崔宏傳宏通署三十六曹如令僕統
事 王勃送蕭三序人非桃李豈得無言子悅驚韶當
須振響 揚子方言無掩憐半愛也 莊子天下篇椎
拍斲斷與物宛轉注法家雖妙猶有椎拍故未泯合
張揖廣雅塞妯娒駮煩擾也 魏志徐邈傳故前日之
通乃今日之介也 後漢書鮑永傳時南士尚多寇暴
永曰吏人殘傷之後迺緩其銜轡 酈道
元水經注縣弦也施繩用法不曲如弦

張子白進士入都謁選送行詩序

嘉慶己未五月華亭張君子白以綠衣籍久赤牒符來將謁選人用邀除板弭楫吳下稱妮而前凡在撫塵不遠數郡莫不鱗集麇至張飲於虎阜山房爲之錄別禮也維時鶴蓋成陰魚遊認麥風吹以衣舉梅雨過而酒香效團雪散雪之詞賭大山小山之什驅煙使墨旂檀遜芬流珠吐霞松篁亦韻文枯樂奏烏囀歌來雙丫喝蓋眉招柳路之風一笛迴潮星爛菱塘之火至乃車子雜坐謔姐當筵氣暖吹蘭眸清射戟花邀佛笑詩雜仙心樂哉斯遊忘其別矣樂舞旣闌眾詞迭陳各吐心

注二

一

聲間爲目論約有數端蓋可得而言焉或謂莊揚墨晏家各殊科廉范嚴徐致難合轍以彼雅文辨慧逸思雕華不以之筵承明侍溫室潤色鴻業校理秘文而乃促訾以走風塵陳掾而領赤望能無崑岡玉賤鶻抵生愁枳棘風多鸞飄起怨也乎且夫錦不爲帟者才之限戈不春黍者器之殊今之令長古異清流上仰宣明之面則腰笏趨之下迎陽橋之魚則投綸吸之山民樸而市民玩絲慮其焚一清書而二清才射懸其鵠君以風逸煙高之致讀司空城旦之書未免埃璫嫌煩神鋒慮峻蕭育是杜陵男子何肯詣曹裴秀實儒林丈人不習爲

吏但使哦松署牘拄笏看山庭延風月政倦戴星詞吐
虹霓訟難掃電此則弦歌雖奏轉來謠詠之聲柝楊不
施無當亭疑之法是又官方所排迤而執友所憚餘也
凡此覺言要皆調語侷色揣稱蒙竊惑之夫目上耳下
哲士之鑒澄轂圓軫方通人之用大子白元慮速捷中
叡外明古懷抗雲書眼若月無三疊五交之失有博分
致眾之心不鉤錄以檢身竊比和者好粉偶跂弛以諧
世非同怠政曰穰今者低頭入中依方銓引試當官官
辦作夏雨兩人何羨乎清華何嫌乎凡悴是故於其測
交也信其獲上於其鑿古也信其燭機於其壹士也信

注一

二

其活人於其悅情也信其和庶天張能解必不閃掄以
苟全金心在中必不愉艇以尸職佳乎吏也俟其禕而
蒙則更有進焉者非於策名之日先爲招隱之詞實以
投分之深常有停雲之戀苟當徵明未耗譽業方籍最
報吳公祠留石相遂迺絳霄在望黃鵠高飛理東山之
舊懷踵南瀕之逸志一行鷗侶寤後之往夢重尋七里
鶯花春餘之隊歡再拾豈非落落焉其有風飈者哉我
之懷矣異乎人斯借曰贈言如是而已若夫瓌慧者圖
其淺利韞蠹者貌爲篤誠計階級之崇庫量壤土之肥
瘠謁府則頭搶據案則心盲禕蝨自跳網蛛坐結必沾

沾焉反以杜畿爲疏誕斥王衍爲清談是自處於桎梏
疏屬而笑夫帝之懸解也眾客聞之盱衡而笑三爵既

盡四聲遂歌卽用荒言以爲前馬計送行詩若干首詮

次於左後漢書中山王馮傳今五國各官騎百人稱姬
前行 東方朔與公孫宏書士大夫相知何必

撫塵而遊垂髮齊年偃伏以日數哉舊唐書王士平
傳尚義陽公主公主縱恣士平與爭憲宗幽主禁中士

平幽于私第文士爲歌詞曰團雪散雪等曲言其游處
離異之狀陸游詩山童雙髻了 夏樹芳詞林海錯

潛居錄崔文子能吹反潮之笛繁欽與魏文帝賤自
左驥史妯嘗姪名倡 韓愈詩豔姪當筵舞清眸刺劍

戟揚子法言問神篇言心聲也書心畫也 荀子富
國篇所以說之者必將雅文辯慧之君子也 徐陵玉

臺新詠序天情開朗逸思離華桓寬鹽鐵論崑山之
里非大賢之路 韓愈响嘯山詩科斗拳身薤倒披鸞

窺風泊拳龍螭晉書袁甫傳何最曰惟欲幸縣不爲

注二

臺閣職何也甫曰人各有能有不能譬猶中之好莫過
錦錦不可以爲帛穀穀中之美莫過稻稻不可以爲藿是

以聖王使人必先於器荀子勸學篇不道禮憲以詩
書爲之譬猶以指測河也以戈春黍也以錐澆壺也不

可以得之矣劉向說苑政理篇宓子賤爲單父宰陽
書曰有釣道二請以送子夫披綸錯餌迎而吸之者陽

橋也其魚薄而不美若存若亡若食若不食者斲也其
魚博而厚味於是未至單父冠蓋迎之者交接于道子

賤曰車驅之陽畫所謂陽橋者至矣荀悅中鑒皇民
敦秦民弊時也山民樸市民玩愒也 漢書蕭育傳傳

召茂陵令詣後曹當以職事對育徑出曹書佐隨奉育
育按佩刀曰蕭育杜陵男子何詣曹也魏志三少帝

紀注傅暢晉諸公贊文帝嘗與司馬望王沈裴秀等講宴
于東堂召秀爲儒林丈人沈爲文籍先生韓愈藍田

縣丞廳壁記對樹二松曰哦其間晉書王徽之傳沖
謂曰卿在府日久比當相料理徽之初不酬荅直高視

以手版拄頰云西山朝來致有爽氣耳劉向說苑政
理篇宓子賤治單父彈鳴琴身不下堂而單父治巫馬

期亦治單父以星出以星入日夜不處以身親之而單
父亦治宋史錢勰傳知越州復知開封 蘇軾乘其據

案時遺之詩總操筆立就以報賦曰電掃庭訟響答詩
簡人所未見也 史記張湯傳亭疑法奏讞疑事必豫

先爲上分別其原注亭平也均也使之平疑事也 後

漢書竇融傳囂執排連不得進退 馮衍顯志賦終餘

憚而洞疑按廣雅餘憚懷憂貌 覺言見左哀二十四

年傳 謝惠連雪賦侔色揣韻爲寡人賦之 太元經

目上于天耳下于淵恭則曰上耳下聽察極也 子

華子虎會問夫子軫方而轂圓者也將無何而不可

劉劭人物志陰陽清和則中窅外明 劉峻廣絕交論

以此五交是生三釁 管子法禁篇守委閑居博分以

致衆 荀子榮辱篇孝悌愿慤輸錄疾力以教比其事

業而不敢怠傲注軌錄謂自檢束 韓詩外傳仁者好

偉和者好粉 漢書諸侯王表中山穰王注師古曰穰

惡謚也好樂怠政曰穰 南史蕭惠開傳尋除少府加

給事中曰大丈夫入管喉舌出盡方伯乃復低頭入中

耶 宋書文帝紀詔曰便可宣赦內外各有薦舉當依

方銓引以觀厥用 劉向說苑貴德篇筦仲曰吾不能

以春風風人吾不能以夏雨雨人吾窮必矣 管子法

禁篇壺士以爲亡資注每以壺資濟士以爲亡去之資

莊子知北遊解其天破墜其天表 後漢書趙壹傳

注二

四

刺世疾邪賦榮納由於閔榆注閔榆傾侯之貌榆音輪

管子心術下金心在中不可匿 呂氏春秋勿躬篇

君聽其要則百官慎職而莫敢愉經 後漢書馮勤傳

每引進帝輒顧左右曰佳乎吏也 班固東京賦漢帝

之德侯其禕而注禕美也 宋書何尚之傳袁淑與書

曰丈人微明未耗譽業方籍倘能屈事康道降節徇務

舍南顏之操淑此行求決矣尚之宅在南澗寺側故書

云南顏 漢書賈誼傳文帝初立聞河內守吳公治平

爲天下第一 漢書石奮傳少子慶出爲齊相齊國慕

其家行不治而齊國大治爲立石相祠 晉書羊祜傳

論江衢如砥襪袂同歸而在乎成功弗居幅巾弱冠落

落焉其有風靡者也 晉書王沈傳瑛慧者以淺利爲

錦鎗韞蠹者以色厚爲篤誠 葉廷珪海錄碎事龔舍

初仕楚王非其欲見飛蟲蜘蛛網歎曰仕宦亦人之網

羅也遂挂冠而退時號蜘蛛隱 左思吳

都賦亦猶帝之懸解而與夫極枯疏屬也

錢可廬徵君六千壽序

緬惟泰上成鳩之族紉道以修齡殷家斟雉之賢研典
以度紀其時暝蹟職植淳固麗鴻無康爵以祝曼延嘉
頌以光魁碩泊幽雅歌夫稱兕遷書紀其畚耨義取媚
茲事殊覽揆歲歷綿曖俗尙伊優乃有益介僕以騰觚
繡鞏悅而致語霜豪領滿卽曰綺季之儔霞漿手勳動
侈祈淪之齒是爲蔓辭修禠飾走肉以佞喬華說嫵嫵
謬靈光於草木卽或位躋夔高齒過商蒼引田相以小
車築羅城於大甯餐物十七駟馬宣綸寶從三千珥貂
獻筓斯誠極國考之光榮仰宗模之照難矣然而地靈

注一

無對天爵不存予金張以鶴算何當鴻儀加梁竇以鵠
年終同游暑古有不鐘鼎而名似泐琅書未旄期而齒
可齊貞石紹金鏡珠囊之業則炎皞契其精神天丹文
綠牒之傳則彭聃遜其綿亘是非經神學海貫串九流
義府儒宗皋牢百氏其何以副禮文於高密道彰德事
之更協中論於偉長美著聲聞之壽若今可廬錢先生
者乃眞可跨躐眉黎授張艾耄耄者矣仰惟先生上德若
谷大方無隅管子五官之技翦角而卽通軒轅九行之
臣禋躬而咸備滂仁曠義八疵不嬰鑽堅研微六府如
燭凡君魚失傳之經臣瓚未析之史館陶永嘉之本魏

郡安釐之簡以逮春卿梯表武安槃孟三摹九据之瑰
奇六甲五方之細瑣罔不徧採坎井洞啟鈐鍵寸策釋
旨無八十宗之訛稽古詮辭逾三萬言之富鄭君作答
義據通深獻王耽書實事求是凡諸箸饌略可臚陳蓋
自牟賢傳詩三家寢佚賈崔集異二籍無徵卽浚儀博
攷隊文鄱陽問明古義杓木啜郵之字關雎離黍之詮
亦韓說稍繁而魯齊多略先生蒐百代之遺說掇兩京
之緒言匪直采鳴鳩於苟卿證碩鼠於甯戚鈞彼陋宏
農之注雥兮引轍令之篇要使微學匡扶佐義莖於劉
氏異聞羅絡補詩故於廣川爲詩古訓十二卷又以學

注一

覽潭與孔徒纂其源爰歷叢殘清河據其緒而健爲文
學名在而籍淪江都秘書音存而注軼乃蒼粹墳典鉤
稽縉繩擴景純之拘讖嗤蔎菽栲楨之疏作稚讓之功
臣絕柳卯桃萊之舛爲爾雅釋文補三卷廣雅疏義二
十卷唐釋元應有云說文在漢字止九千六文挺生代
加繁廣是以江式論書之表致辨於飄蠶謙中銘墓之
碑力爭夫巍巍抗心晞古必宗汝南尙已然法求尉律
僅舉方隅學紹永元未稱統括先生究八體之宦奧積
二紀之勤劬匯往牒而證義奚止持弓春藁之文本古
讀以審音并糾神石羽鹽之失驗唐初之善本最好同

聲訂宋代之新增繩纜別體類斯旨要十例攸分彙文字之鴻圖表言音之藻鏡稚川仙令無此淹通廣陵哲昆謝其洽孰爲說文統釋六十卷庚言未已乙部尤精謂班范記繁摩研靡罄劉吳刊誤漏略滋多於是博綜經囊兼參石墨闡幽抉滯上裨乎應服如蘇補闕校訛旁徵乎華袁謝薛蓋長安洛下之古語悉本周秦顏監章懷所未詳尙存金石惟能殫功於蒼雅探秘於翠珉故得別篇跳出富倍敵放巨秩結成功逾靖悒爲兩漢書辨疑四十四卷昔蔚宗之作史也蠟車遭棄志表無聞司馬續書藝文獨闕迨迪功十表之補條例嫌其闕

注一

三

疏平原八志之注冊典忘其甄錄因復磨丹握槩覆篋成山斜上旁行直踵邊延之隊緒條篇撮旨略依歆向之前規爲後漢書補表八卷補續漢書藝文志二卷他若白水真人拓跡開統墨緩長相下體臨民三邊戶狹而置令南陽人稠而設長或以湯沐改號或以水土區分艷次糾紛釵規匪易官儀不爽體原於應劭衛宏碑拓堪憑證及乎蕩陰酸棗爲後漢郡國令長考一卷至於巴西載筆裁斷略擅三長河東引書遮羅殆逾百種而葦殘玉屑亦待補苴幟抵隙乘不無葉校爲三國志辨疑三卷下至蟹匡鄙諺狸首哇詞狌哖大隱之諧落

索阿姑之訴悉爲推求雅故別荆淵源間介婁羅入深
甯之掌錄突鑿鯽溜助景文之筆談爲邇言二卷猗歎
盛哉是皆探篡前聞洮汰後惑禮堂寫定之本萬流仰
爲山淵元亭解剝之編六際歸其縑橐浮滄升嶽方魁
士而無慙書肆說鈴見大師而坐廢此雖鳳輝隱曜麟
德寡諧發策決科羌數奇於秋賦併名比牒僅一應乎
徵書而董綬儒臬劉臻漢聖學林捧手寰海承風傳五
經六緯於緇壇名高汗竹萃三才九疇於逢掖貴壓台
槐漆園所云博大真人仲任所云鴻儒金玉先生之謂
已且夫述學者以門業爲歸衡福者以倫常爲大兄儒

注一

四

弟墨或緩翟之交訂武達文通究壘篋之未協雙丁兩
到競爽斯難而先生之於伯兄竹汀詹事公也瓊璫齊
聲恭丕並著景通之授班史借仲氏爲宗師宏正之發
易題引四公而申助劉孝儀黃經相勵徐伯珍白首同
歡何家大小之山瞻如喬嶽陸氏東西之屋迴若神霄
此其難及者一也古者霸陵峻節賃廡揚芬司隸清風
挽車修義曩賢相室尤重女君倘使賦撲棗於王陽詎
腐陽於馮衍則高明莫邁少文無協趣之期淄蠹將深
孝標有輓軻之戚而先生德配周安人端操有蹤善心
白窈屯業寢門之內課功臧獲之班紅燭持籌雁稅魚

祖之無之青裾押佃瓜區薑稜之咸供先生乃克壹志
朱黃專精典素答樊英之拜氣總祥和並焦贛之交占
符宜吉此其難及者二也況乎鄧侯諸子六藝分通戴
碩三兒萬錢足敵桓君章句仲恩將繼於太常騶氏春
秋中尉定傳於京兆以視南郡長郎僅摘華於魯殿崇
賢館士止攢學於選樓不又河漢之於涇渭乎此其難
及者三也福兼百順之名椿陰正茂譽有億齡之播葉
語難休無論郡下封軺殿瀆梯几細陽太尉將講藝於
元和重席侍中會論經於正日盈庭薦贖臧縮稱師異
日舒翹章巨繼跡例茲榮遇三壽可卜於作朋卽論光

注一

五

名五福已徵其馘穀今者躍躔析木俟啟元英歲符甲
子之周辰值庚寅之降高陽里彥攢弁如星通德門徒
聯裾成幄均將駐義轡肆賓筵酌園公之樽納伏生之
履下徵幃語用侑觴行兆燕皮傳心情膚受學陋效讀
書於曰李昶聞終虛修雅拜於龐公杖函初撰欲使濡
豪繪日撮壤崇山政恐賦成六合適彰劉子之愚頌到
九如祗等越巫之祝是用力破崖岍盡斥游談舍雲屏
天保之浮夸轉盧牟乎述譔竊蘭臺儒林之旨意兼紀
敘其家傳以爲傾汲郡孔堂之瀝液則酈泉菊水不足
當也希賢關聖域於門庭則福衢壽車莫能媿也然則

鋪陳鈿軸卽鴻朗之千函斟酌謨觴抵鶴尊之百醞山

澤挺芝英之兆定先眾瑞而華敷鼎彝蘄縉綽之銘敢

首諸賢而嗶引鵬冠子王欽篇泰上成鴻之道一族用

之萬入于歲淮南子精神訓以道為

綱注法也 屈原天問彭蠡斟雉帝何饗受壽永大夫

何久長 後漢書崔實傳呼吸吐納雖履犯之道非續

骨之膏 子華子神氣篇伏羲神農之世其民童蒙眼

瞑蹶蹶不知所以然而然是以永年堯舜之世其民樸

以有立職職植植而弗鄙弗天是以難老 王嘉拾遺

記渠搜國之西有所淪國其俗涓和人壽三百歲 漢

書車千秋傳本姓田氏年老上優之朝見得乘小車入

宮殿中故因號曰車丞相 魏書羅結傳年一百一十

詔聽歸老贈大甯東川以為居業并為築城號羅侯城

餐十七物 駭馬見公羊定八年傳 晉書劉實傳國

之碩老邦之宗模 字彙補引李商隱字略昭曜作照

難 王勃秋日餞刑序學士天璞自然地靈無對 陶

宏景水仙賦僉自安于遊畧緬無羨于鶴年 鄭康成

注二

六

禮三老五更注皆老人更知三德五事者也 徐幹中

論有王澤之壽有聲聞之壽有行仁之壽者曰五福一

曰壽王澤之壽也詩云其德不爽壽考不忘聲聞之壽

也孔子曰仁者壽行仁之壽也 王融三月三日曲水

詩序跨蹶昌姬輻輳炎漢 揚子方言眉黎耄齡老也

去之言多浮豔也 老子同異章上德若谷太白若辱

又大方無隅 管子山權數桓公曰何謂五官技管子

曰詩者所以記物也時者所以記歲也春秋者所以紀

成敗也行者道民之利害也易者所以守凶吉成敗也

民之能此者皆一馬之田一金之衣此使君不迷妄之

數也 王嘉拾遺記軒轅使九行之士以統萬國九行

者孝慈文信言忠恭勇義 皇甫湜昌黎韓先生墓志

銘蘊義滂仁耿照充天 莊子漁父篇且人有八疵事

有四患 晉書虞喜傳鑽堅研微有弗及之勤 雲笈

七籤心不動搖六府如燭 孔叢子左氏傳義詰序其

或訪經傳于子駿輒曰幸問孔君魚吾已還從之諮道

矣 注孔奮字君魚 顏師古前漢書敘例有臣曠者莫

知氏族考其時代亦在晉初 又總集諸家音義稍以己

之所見續廁其末 魏書徐遵明傳知陽平館陶趙世

業家有服氏春秋是晉世永嘉舊本遵明乃往讀之
晉書束皙傳太康二年汲郡人不準盜發魏襄王家或
言安釐王家得竹書數十車 後漢書陽厚傳祖父春
卿臨命戒其子曰我綿表中有先祖所傳祝記爲漢家
用爾其修之 史記武安侯傳蚡辯有口學樂孟諸書

漢書揚雄傳大澤思渾天參摹而四分之極于八十
一旁則三摹九据極之七百二十九贊亦自然之道也

漢書食貨志八歲入小學學六甲五方書計之事

北史徐遵明傳見鄭康成論語序云書以八寸策誤作

八十宗因曲爲之說其解也如此 陸德明經典釋文

振子牟授趙人荀卿卿授魯國毛亨亨授趙國毛萇萇

授同國貫長卿 後儀王應麟詩攷序漢言詩者四家

師異指殊賈逵撰齊魯韓與毛氏異同崔靈恩采三家

本爲集注今惟毛傳鄭箋孤行韓僅存外傳而魯齊詩

亡久矣 詩攷韓詩關雎今時大人內傾于色故詠關

雎以刺時黍離尹吉甫信後妻之讒而殺孝子伯奇其

弟伯封求而不得作黍離之詩釋文科木正義曰毛氏

字與三家異者以百數長發爲下國嘖郵禮記正義引

齊魯韓詩也 困學紀聞申毛之詩皆出于荀卿子而

韓詩外傳多述荀書今考其言采采卷耳鴉鳴在桑不

注二

敢暴虎不敢馮河得風雅之旨呂氏春秋盜賊擊牛角
疾歌高誘注以爲歌碩鼠不知何所據韓詩劉彼甫田

藟卓也爾雅釋詁藟大也郭璞注云藟義未聞豈未見

韓詩故耶野有蔓草零露漙漙顏氏正俗云案呂氏字

林作藟上堯反按呂氏音漙令呂忱 文選李善注引

劉芳毛詩義證按太平御覽作義荃 宋史藝文志董

道廣川詩故四十卷 郭璞爾雅序詠九流之津涉六

藝之鈴鍵學覽者之潭輿摘翰者之華苑也 隋書經

籍志廣雅十卷魏清河張揖撰按揖字稚讓隨江都曹

憲音釋避煬帝諱改名博雅 邢昺爾雅疏引舍人云

按卽經典序錄之鍵爲文學注二卷也 困學紀聞爾

雅不釋蒺藜字書不見相楛 後漢書馮衍傳注萊難

似藟文又連挑後學輒以藟爲藟以挑藟易明挑藟難

悟也 魏志虞翻傳注翻秦鄭元解尚書違失云古大

篆非字讀當爲柳古柳非同字而以爲昧臣松之謂翻

言爲然 釋元應庵經音義序至如說文在漢字止九
千韻集出唐言增三萬代代繁廣符六文而挺生時時
間發寄八體而陳迹 直齋書錄解題張有書碑以魏
作魏終不肯改按有字謙中 錢大昭說文統釋自序
顧甯人譏童非有罪弔非持弓案周禮秋官司厲其奴

男子入于皐隸女子入于春臺注鄭司農云今之奴婢古之罪人也童僕與奴婢同且其字從辛辛皐也故許君云爾顧氏譏之誤又人部弔問終也古之葬者厚衣之以薪從人持弓會歐禽案吳越春秋陳音曰古者人民襍質死則投于中野孝子不忍見父母爲禽獸食故作彈守之急就篇顏師古注上古葬者衣之以薪嘗苦禽獸爲害故弔問持弓例世變人以助彈射顧氏譏之亦誤

陸德明經典釋文條例世變人移音說字替如徐曰民反易爲神石郭景純反餒爲羽鹽 經典釋文旭曰始旦旭許玉切說文讀若好大昭案旭字從九得聲故讀若好陸氏所見說文是唐初善本又周禮考工記五入爲瓶注瓶今禮俗文作爵言如爵頭色大昭案糸部纒帛爵頭色一曰微黑色如紺纒淺也是古用纒字釋元應眾經音義序真可謂文字之鴻圖言音之龜鏡者也 後漢書鄭元傳至於經傳洽孰稱爲純儒齊魯間宗之 宋史藝文志余靖漢書刊誤三十卷劉敞漢書刊誤四卷張泌漢書刊誤四卷三劉漢書標注六卷注劉敞劉敞劉奉世吳仁傑兩漢刊誤補遺十卷 後漢書皇后紀章懷注沈約謝儼傳曰范曄所撰十志一皆託儼撰撰垂畢曄敗悉應以覆車 陳氏書錄宋熊

注二

方補後漢書年表十卷 邊延調邊韶延篤見范書篤傳隆緒謂所作東觀漢記今已佚也 續漢書百官志劉昭注應劭漢官曰前書百官表云萬戶以上爲令萬戶以下爲長三邊始孝武帝所開縣戶數百而或爲令荆揚江南七郡惟有臨湘南昌吳三令耳及南陽潁中土沃民稠四五萬戶而爲長桓帝時以江南陽安爲女公主邑改號爲令主薨復復其故若此爲繫其本俗說令長以水土爲之及秩高下皆無明文班固通儒述一代之書斯近其真 說文平黠東作按今作秩 王充論衡古今作書者非一各穿鑿失經之實傳違聖入質故謂之叢殘比之玉屑 漢書東方朔傳狎呼兒婦兩大爭也 顏氏家訓婦人之性率寵于婿而虐其婦諺云落索阿姑食此其相報也 困學紀聞俗語皆有本本問介出長笛賦婁羅出南史顧歡傳 宋祁筆記孫炎作反切語本出于俚俗常言故謂就爲鯽溜謂團曰突爨 後漢書陳元傳泚汰學者之累惑 漢書揚雄傳故有首衝錯測離瑩數文掇圖告十一篇皆以解剝元體離散其文 鵬冠子能天篇原聖心之作截六際而不敘注六際六合也言以此爲界 揚子法言學行篇觀書者譬諸觀山及水升東嶽而知衆山之崱嶮

也況介邱乎浮滄海而知江河之惡沲也況枯澤乎揚子法言吾子篇好書而不要諸仲尼書肆也好說而不見諸仲尼說鈴也後漢書鄭元傳康成曰書戒子益恩曰公車再召比牒併名早爲宰相注言連牒齊名被召者併爲宰相也後漢書董仲綬習爲儒臬隋書劉臻傳精於兩漢書時人稱爲漢聖後漢書鄭元傳曰書戒子曰獲觀乎在位通人處邈大儒得意者咸從捧手有所授焉漢書李尋傳五經六緯注六緯者五經之緯乃樂緯也王通中說周公篇是三才九疇屬布衣也莊子天下篇關尹老聃乎古之博大真人哉王充論衡銅鐵既奇或出金玉然鴻儒世之金玉也奇而又奇矣莊子列禦寇鄭人緩也呻吟裘氏之地抵三年而緩爲儒河潤九里澤及三族使其弟墨儒墨相與辨其父助翟十年而緩自殺齊書王僧虔傳檀珪與書曰僕一門雖謝文通乃忝武達梁書到溉傳世祖贈詩曰魏世重雙丁晉朝稱二陸何如今兩到復似凌寒竹顏氏家雙丁晉朝稱二陸何如今兩到也歟呼之不應良久方荅職問之乃云向來未著衣帽故也後漢書魯恭傳弟丕俱居太學兄弟俱爲諸儒所稱舊唐書秦景通傳與弟暉尤精漢書當時習漢書

注二

者皆宗師之陳書張譏傳周宏正發周易題宏正第謂宏直曰今日義集辨正名理雖知兄弟急難四公不得有助宏直曰僕助君師何爲不可梁書劉潛傳字孝儀祕書監孝綽弟與兄弟相勵勤學並工屬文孝綽嘗曰三筆六詩三節孝儀六孝威也齊書徐伯珍傳兄弟四人皆白首相對時人呼爲四皓南史何允傳允二兄求點並樓遁世號點爲大山允爲小山漢書王吉傳少時居長安東家有大棗樹垂吉庭中吉婦取棗啖吉吉知之乃去婦東家聞而欲伐其樹鄰里共止之因請吉令還婦里中語曰東家有樹王陽婦去東家棗完去婦復還後漢書馮衍傳字敬通娶任氏爲妻悍息老竟逐之注引衍與婦弟任武達書惻惻焦心事竊爾湯魏書李孝伯傳妻崔隨女高明婦人南史宗炳傳妻羅氏亦有高情與炳協趣後漢書后妃傳序恩隆好合遂忘滔蠹注滔黑也蠹食木蟲喻傾敗也南史劉峻傳余自比馮敬通而有同之者三異之者四三同不遇一也剛直二也俱有忌妻三也後漢書列女傳質端操有蹤幽閒有容詩關雎正義楊雄云善心爲窈善容爲窕按經典釋文作王肅云五代史

楚世家周行逢夫人馭氏歲時衣青裙押佃戶送租入城

後漢書樊英傳嘗有疾妻遣婢拜問英下牀荅拜

曰妻齊也禮無不荅 焦氏易林旣嫁宜吉出入无咎

後漢書鄧禹傳有子十三人各守一藝 宋書戴法

典傳父碩子二兄延壽延壽並修立有陳載者家富鄉

人咸云戴碩子三兒敵陳載三千萬錢 後漢書桓郁

傳字仲恩傳父業由是有桓君大小太常章句 漢書

王吉傳能爲騶氏春秋好梁邱賀說易令子駿受漢父

子經明行修 後漢書王逸傳南郡宜城人子延壽字

文考作魯靈光殿賦蔡邕亦造此賦未成見延壽所爲

遂輟翰而止 唐書李邕傳父善注文選釋事而忘意

邕意欲有所更善曰試爲我補益之邕附事兄義善以

其不可奪故兩書并行 淮南子修務訓稱譽業語至

今不休注葉世也 漢書平帝紀在所爲駕一封輶傳

遺詣京師 漢書孔光傳爲太師省中坐置几又西京

雜記天子玉几冬則加絺錦其上謂之絺几 後漢書

張酺傳汝南細陽人元和二年東巡狩使酺講尚書一

篇永元五年代尹睦爲太尉 後漢書戴憑傳正旦朝

賀帝令羣臣說經更相難詰義有不通輒奪其席以益

通者憑遂重坐五十餘席京師語曰解經不窮戴侍中

注二

史記儒林傳王臧趙箱乃言師申公于是天子使使

東帛加壁安車駟馬迎申公 韋匡謂韋賢匡衡已見

詩注不復出例屢見下仿此 國語文公學讀書于臼

季三日曰吾不能行也咫聞則多矣 陳書江總姚察

傳論汲郡孔堂之書玉箱金板之文莫不窮研旨奧遍

探坎井 陶穀清異錄太清草木方云餌鍾乳者登福

衢壽車 宣和博古圖晉姜鼎銘用斬

縮綽用壽方以智通雅引嗶卽騶唱也

古者銘勒金石質之乾坤不刊之典鐫刻是賴而山谷
遷貿剝蝕無時於是振奇饕古之士網羅散佚紀載興
焉子尾犧尊甄邯威斗敦鬲之細實均璆琳豈況垠堦
所泐義做槐眉宮刹所遺文碑竹素千劫炳然耿光不
顯者乎原甫永叔明誠伯思凡諸纂集完秩具存至若
紀方隅儲掌故地專乎一郡跡羅乎千禩著於目者自
宋北平田概京兆一錄而外作者用希陳曄吳中新編
祇載有明無當稽古近惟葉封嵩陽集記盧牟該博爲
世所稱金陵帝王故宅貞珉翠墨應倍他州鍛牧礪牛

注一

一

存者什一某君抱彥遠之閱覽居建康之右壤剔隱搜
遐排岳磨蘚舉夫窺軻樂石擊羣異文小不遺瓦磚瑣
不遺韻語上遡嬴漢下泉宋元椎拓所及悉歸掌錄具
登文字例沿乎鄱陽間附參稽核逾乎夾漈物質有時
而盡斯卷歷久不渝其視郭髯趙嘏之史籍隸西秦地
多古刻難易不侔用心蓋彌瘁矣猗昔鄴中宮觀洛陽
伽藍東京夢華桂林風土雖有輔於翰藻或無涉於學
林方聞之儒甯舍彼取此抑又聞之元代徐碩撰志嘉
禾碑碣一門卷至十一攄幽抉粹識者躑焉世不乏陳
思王象之其人者例斯撰述引而伸之廣徵勝流各事

剗緝山巖屋壁所秘必有盡發其藏者於以證延閣之
墜簡裨內史之方書是編非層冰之積水歟

邯鄲清孝女曹娥碑

銘勒金石質之乾坤 南史何承天傳嘗開元武湖遇古冢得一銅斗有柄承天曰此亡新威斗王莽三公亡

皆賜之時三台居江左者惟甄邯爲大司徒必邯之墓

挈輦補注

按明郭宗昌趙福皆關中人郭著金石

史二卷簡著石墨鐫華六卷 按鄴中記記石虎時事

洛陽伽藍記後魏楊銜之撰東京夢華錄宋孟元老撰

桂林風土記

唐莫休符撰

注一

二

贈汪孟慈序

冬官之工三十築治梟梟段桃韋裘鐘虬十者獨以氏稱鄭君謂人以事名氏舉世業雖在曲藝緒必有承語其煒赫則伏理之於湛曹允之於褒王吉之於駿桓榮之於郁此析經之重光也談之啟遷彪之啟固察之啟思廉德林之啟百藥此研史之累徽也乘皋投辭羣紀敦行莊肫標華善邕稽古此又文苑之門基學林之弓冶也終文之綸漆園所美視土事火廣川所稱父者矩子者孳奉承續行因而非創益於道也易於理也恒焉廣陵汪先生容甫以沈博閱覽陵轢當世游百氏而窮

注一

訓囊九流而暢旨以蒙來叩煥若星辰以疑相質洞若著莢所著述學若干篇薄海希風萬流仰鏡中壽恒化楹書哀然哲嗣孟慈終賈綺年沐浴庭誥辨藉稻賦靈光聚爲玉海擲爲金聲日開月益潛伏僂偶鏗而不已爲文宗爲儒師曩所謂重光累徽門基弓冶蓋於是乎在歲惟閏逢辰次龍瓠墨車在門儻籩於豆孟慈當大昏之期同人爲盃酌之侑啐醴建柵無取繁辭爰述門業載陳穀貽顯顯宗子克懋先基爲鄭益恩禮堂紹芬若周奉叔縈攪萬人庶恢世業用啟後昆至於渾戎峻閩環頌舊勳橋梓軒輅堂構輪囷此世俗之所榮非所

語於斯文也

晉書韋謏傳謂子伯陽曰我高我留重光累微 莊子齊物論而其子又以文之論

終注昭文之子又乃終文之緒 董仲舒春秋繁露爲人子者視土之事火也雖居中央亦歲亡十二日之王傳于火以調和養長然而弗名者皆并功于火火得以盛不敢與父分美孝之至也 班固白虎通德論三綱

篇父者矩也以法度教子子者孳孳無已也 春秋繁露諸父所爲其子皆奉承而續行之 劉禹錫國學新

修五經壁記以蒙來求熾若星辰以敬來趨肅如神明以疑來質決若著蔡 晏子春秋晏子鑿楹納書焉謂

其妻曰子壯而示之 舊唐書李百藥傳父友陸又馬元熙嘗造德林有讀徐陵文者云既取成周之禾將刈

瑯琊之稻並不知其事百藥侍立進曰傳稱邠人藉稻杜預注云邠國在瑯琊開陽父等大驚異之 失名孫

渥平章事制張融高文聚爲玉海孫綽麗賦擲作金聲荀子勸學篇鏗而不舍金石可鏗 齊書周盤龍傳

子奉叔單馬率二百餘人陷陣虜萬騎圍之一騎報奉叔已沒盤龍奮槊直奔奉叔已大殺虜見其父不出復

入陣父子兩匹騎縈攪數萬人虜大敗 舊書王戎傳阮藉謂父渾曰共卿言不如其阿戎談 舊唐書蘇瓌

注二

傳宋璟曰若獻可替否罄盡臣節願過其父也 魏書崔浩傳每至郊祀父子並乘軒輅

周易疏義序

易自鄭宗費學析傳附經魏王晉韓重復釐定分篇舊牒體貌遂更宋董楷既截朱以合程明胡廣爰踵訛而并帙桂苒百禩循誦習傳甚至試官發策題聯爻象塾師釋訓義孱姬孔不知三聖淵奧遞加引伸十翼發揮漸臻彰顯畛判軌別絕弗容淆我

聖祖仁皇帝御纂周易折中衡鑒卓越悉遵古第至於課士仍襲正義用便學林佔畢生徒人有疏解陳因坊刻多於泥沙要宜如紫陽所云卦辭略舉大綱彖傳乃宣疑滯俗說凌亂復衍繁蕪駢拇枝指識者爲病嘉定

注一

陳君宏猷高恪寡素殫心道眞嘗輯疏義一書抑黜蔓言演暢微旨健順明詁不侵乾坤之繫辭通固詳詮不濶亨貞之占義於經傳之界如記畫塗如錐印泥草句沿今申析契古允俾區霽小儒闇然而服已念夫鼎祚集解派列廿五審權義海說綜百家漢唐遺文千載未隊眇茲講說誠難上方顧近儒攻經類崇漢學閩洛名理轉眇窺研斯編雖微要亦本義別子也陳君尚有四書就正錄及析疑二書其弟子王定山將彙刊問正屬子弁端或冀里鄧黃小由此以上尋祖本不狃俗傳撮

壤崇山涓流益海是豈宜以簡略廢乎

按易目費直以象傳文言參解

淮海神弦曲序

淮海神弦曲者題襟先生息同人消寒分課詩也時維
元英急景濛汜匿華稜生霜威凌蹙沼鏡空情馨逸撫
凋年而失愉詞條繁靡對羸林而亦悴冥想間作靈談
是資茲邦禮秩所存昌手所矚祀不分陰陽典不區正
誕遜作神樂以代裸縣蘅繚芷緝荔丹蕉黃先生既敷
衽以瞰羣客亦傳芭而舞九曼馳爽八方蜚精華鏗曖
幔靈風弼而欲開清商汎堂飄雨颯以成夢明明如月
山阿有人霏霏似煙景采若質文翰之事有呼嘯之偉
焉煙墨所驅有碎隱之感焉間攷蕙發陳醕肇始荆巫

注一

竹枝猶詞沿波巴楚淮海於周季亦楚分也揚枹之歌
呵壁之問恤乎湫乎信騷人之別子矣昔巫咸降夕懷
申椒而相要舒姑流泉聞絲竹而自涌感召之理通乎
幽遐屬者誓集駢闐篝鳴芽蘗或此箋札達諸精祇則
若瑤姬搖佩燵鬢下巡羅睺輝威弓刀自動澹菑鴻祐

斯非六祝之遺乎

楚詞九歌湘夫人芷葦兮荷屋雜之
兮杜衡 蘇軾湖州韓文公廟碑於

粲荔丹與蕉黃 離騷經晚敷以陳辭兮歌吾既得
此中正 九歌禮魂成禮兮會鼓傳芭兮代舞注兮巫
所持香草 九歌山鬼若有人兮山之阿被薜荔兮帶
女蘿 鶡冠子學問篇神徵者風采光景所以序怪也

漢書郊祀志音聲碎隱

楚詞九歌東皇太一蕙發

蒸兮蘭藉奠桂酒兮椒漿 唐書劉禹錫傳斥朗州司
馬家喜巫鬼每祠歌竹枝其聲儉儉禹錫謂屈原居沅
湘間作九歌使楚人以迎送神乃倚其聲作竹枝詞十

餘篇 九歌東皇太一揚袍兮拊鼓疏緩節兮安歌
恤乎湫乎見左昭十二年傳 離騷經巫咸將夕降兮
懷椒糈而要之 任昉述異記宣城益山有舒姑泉俗
傳有舒氏女與父析薪女坐泉處忽牽挽不動父遽告
家及再至其地惟見清泉湛然其母曰女好音樂乃作
粧歌泉乃涓流 蘇軾神女廟詩上帝降瑤姬來處荆
巫間又還應搖玉佩來聽水潺潺施元之注庸城記瑤
姬西王母女助禹治水有功今封妙用真人 隋書周
羅喉傳漢王諒反詔羅喉進兵圍之爲流矢所中卒極
暈行數里無故輿馬自止飄風旋繞絳州長史郭雅呪
曰公恨小寇未平耶尋卽除殄無爲愁恨于是風靜馬
行其年秋七月于仲隱夢見羅喉曰我明日當戰靈座
弓箭刀劍自動若帶持
狀絳州城陷是其日也

注

二

送樂元淑歸臨川序

梅熟蒸夏絲橫網天羈侶孤於餘花客愁然於朱火樂
子元淑有嚙指之行璫札之寄總轡首路將歸臨川夫
孫竹節管空桑琴瑟繁指競響同聲合宜當其鏗鏘自
忘和會及夫一器離則樂節詘一音睽則羣奏乖況乎
形影駢服肝膽蚤駟而東羽西翼單情不雙六旦五晨
獨弦無儷契闊之戚尤倍苔岑宜矣雖然河梁之義以
較陟岵則輕鳧雁之情以方伐木則切樂子椽蠡懷訓
於堂北熨體軫念於中閨負米道遠而陔蘭損歡上計
期遙而簣詭失樂縱復握抱荆璧孕含隋珠扇馥江湖

注二

之上振聲宙合之際返之淵衷蓋慊慊焉及茲良日拊
袵倚檣雲扶風承暹返衡華投懷笑粲宛然嬰媿披幃
款存什百宴爾婉婉種熟進子舍之匝漿填簾伯仲話
已日之陳事青山几前流水屋下鄰人牆頭夜闌而相
要田父酒間月出而未去斯垓壤之至快恬聚之極致
視夫依傍韜沂波蕩綺座聞河滿而淚溢承睫眄雲停
而歎息彌襟悲愉之懷相去億萬吾黨又何戚焉且夫
無恒者綦跡遠遊者騷人使樂子田有負郭材同社樗
遺金門之步蹈霸陵之軌遂得翦茨守畦飲谷蘿照偶
影麋鹿長謝舵轅則此分張便成永阻而樂子有必不

能者槐燧易換蓬心終飛慎護波濤珍愛金玉盟以息

壤拾此隊歡是固樂子所繫歎而又吾黨所竊幸也

唐太

宗詩碎鶯猶響殿橫絲正網天

王微詩朱火掬照人

抱景自愁怨

後漢書周磐傳蔡順少孤養母嘗出求

薪有客卒至母望順不還乃嚙其指順即心動馳歸

李商隱詩玉瑤臧札何由達萬里雲羅一雁飛

陸機贈弟詩安得攜手俱契濶成駢服

蕭綜悲落葉樂府

一霜兩霜猶可當五晨六旦已颯黃

王粲從軍詩拊

衿倚舟檣眷眷思鄴城

陸機贈馮文熊詩慶雲扶質

清風承景

劉熙釋名人始生曰嬰媿嬰是也言是人

也媿其啼聲

釋名青徐人謂長婦曰植荆豫人謂長

婦曰熟

韜沂補注

梁簡文帝與蕭臨川書愛護波

潮敬最

光采

注二

二

100

~~863~~

854

